



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search


Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

LV
25
7

1867.

Lo 25. 7.

Vol. 1873.





RECTOR
VNIVERSITATIS LITTERARVM TVRICENSIS

COMMILITONIBVS

CERTAMINA ERVDITIONIS PROPOSITIS PRAEMIIS

IN ANNOS MDCCCLXVII—LXVIII

INDICIT

Zürich - Universität:

PRAEMISSVS EST

VIBI SEQUESTERIS DE FLVMINIBVS ETC LIBELLVS
A CONRADO BVRSIAN RECOGNITVS

TVRICI

TYPIS ZÜRCHERI ET FVRBERI

1867 —

L 25.7

1871, Feb. 18.
Salisbury Fund.

Vibius Sequester — quae quin uera sint nomina hominis de cuius neque patria neque aetate quicquam memoriae proditumst non est cur dubitemus ¹⁾ — in usum Vergiliani fili artem ut uidetur grammaticam profitentis (u. p. 1, 10) composuit indicem fluminum fontium lacuum paludum montium gentium quorum nomina e poetarum nonnullorum Romanorum carminibus quae tum maxime in scholis grammaticorum lectitabantur desumpsit, additis quibusdam de regionibus et qualitatibus eorum, ut ipsius uerbis utamur (u. p. 1, 5 s.), observationibus, quas maximam partem e commentariis quibus litteratores magis minusue eruditi poetarum illorum carmina illustrauerant haustas esse facile intellet quicunque paullo curiosius in hanc rem inquisuerit. Quamquam autem auctor huiusce libelli de plerisque poetis apud quos fluminum mentio habita sit loquitur (p. 1, 4), mihi tamen persuasi aliisque etiam me persuasurum esse spero, illum quattuor tantum uel quinque poetarum carminibus usum esse: Vergili Bucolicis Georgicis Aeneide; Ouidi metamorphoseon et fastorum libris; Lucani Pharsalicis; Sili Italici Punicis; quibus dubito an addendae sint Stati Thebais (cf. ad p. 4, 15) et Ouidi ex Ponto epistulae (cf. ad p. 4, 6; 7, 6). In his enim quae modo nominaui carminibus longe plurima eorum nominum reperiri quae in indicem suum rettulit Vibius, in adnotatione textui quem uocant libelli Vibiani a me subiecta ita docui ut singulos locos e quibus singula nomina desumpta esse arbitror indicarem; quorum plurimos sollerti cura inuestigauit Franciscus Hesselius, alios Oberlinus adscripsit, nonnullos ipse primus indicaui. Qua in re ita uersatus sum ut e pluribus locis in quibus idem nomen commemoratur eum diligerem ex quo potissimum sua hausisse Vibium ipsius uerba cum poetae illius uel enarratoris cuiusdam uerbis conlata mihi persuaserunt; ubi ipse ambigebam, modo plures locos adscripsi, modo nullum.

¹⁾ Quod nuper de his nominibus e Ciceronis oratione pro Cluentio habita (8, 25) ab homine nescio quo effectis dixit Martinus Hertz (Jahrb. f. Philol. Vol. XCIII p. 275) id a uiro doctissimo argutius quam uerius inuentum et confidentius quam cautius pronuntiatum esse existumo.

Erunt fortasse qui mirentur quod Vibium ad Sili Italici carmen, cuius raro tantum meminisse videntur ueteres ¹⁾, non solum saepius respexisse sed etiam commentariis illud illustrantibus usum esse dixerim; quibus respondebo his Lucreti uerbis: 'At manifesta palam res indicat'. Scilicet e Siciliae fluiuiis quorum nomina in Vibi libello leguntur plurimi apud solum Silium commemorantur (u. ad p. 1. 19; 2. 9; 4. 10; 6. 9 et 10; 10. 5; 11. 13), ita ut Vibium huius carmine usum esse tibi fatendum sit, nisi forte statuere mauis eum Corneli Seueri de bello Siculo carmen (cf. Quint. X, 1, 89) legisse. Accedunt alii loci, ueluti quae p. 1, 13 de lenissimo Araris decursu scribit Vibius optime conueniunt cum Sil. Ital. Pun. III, 451 s. (cf. XV, 504 et Caesar. b. G. I, 12), non conueniunt cum Lucan. b. ciu. I, 433 s. et VI, 475 s. neque cum eis quae de hoc fluuio tradit Seruius ad Verg. ecl. I, 63; adde quae notauimus ad p. 9, 15 et ad p. 10, 3 et 4. At, inquires, ipse Vibius praeter haec quae tu nominasti aliorum etiam poetarum carminibus se usum esse testatur, quippe qui et Galli (p. 5, 21) et Varronis Atacini (p. 8, 1) uersum uerbis suis interposuerit et Stesichori de Himerae fluminis cursu testimonium excitauerit (p. 6, 7) ²⁾. Audio, sed Vibium horum poetarum carmina ipsa legisse neutiquam credo. Varronis enim uerba a Vibio adducta cum pleniora exhibeat Seruius ad Verg. ecl. I, 66, ueri est simillimum ex huius uel alius grammatici commentariis deprompsisse Vibium, quemadmodum eum Sallusti de Turia flumine uerba, si modo haec ab ipso Vibio, non ab interpolatore aliquo sunt apposita, e commentariis ad Sil. Ital. Pun. XIII, 5 hausisse uideri dixi ad p. 9, 17. Porro eorum quae de Himera fluuio dicentem facit Stesichorum cum simillima legantur apud Sil. Ital. Pun. XIV, 233 ss., sponte nascitur suspicio, grammaticum aliquem graece et latine doctum hunc Sili cum Stesichoro consensum ad Sili uerba adnotasse. Itaque si etiam Galli uersum a Vibio e commentario aliquo ad Vergil. Georg. IV, 370 eis quibus nos utimur uberiore desumptum esse conicio, non uereor

¹⁾ Cf. Drakenborchi praef. (p. VIII ed I. P. Schmid.): „Si enim solum Sidonium Apollinarem [c. IX, 257] excipiamus, a tempore Plinii ac Martialis per tredecim ferme saecula nullus fuit qui eius uel uerbo meminisse reperiatur.“

²⁾ Catulli testimonium quod uolgo adscriptum est eis quae de Pisauro flumine traduntur (p. 8, 15 edit. meae, p. 16, 15 ss. ed. Oberl.) non ab ipso Vibio, sed ab interpolatore aliquo excitatum esse ex eo apparet quod uerba illa quae sunt 'de quo Catullus: moribunda sede Pisauri' aequae atque illa quae paullo supra in editionibus uulgatis leguntur 'qui et Isaurus, ut Lucanus' absunt a codice Vaticano quocum etiam reliquos codices hac in re consentire mihi persuasum est.

ne cui nimis audax esse uidear. Vberioribus enim quam eis qui nobis praesto sunt poetarum ex quorum carminibus fluuiorum fontium lacuum paludum montium gentium nomina excerpsit commentariis usum esse Vibium luculenter apparet ex eo quod haud pauca habet quae neque ex ipsis poetarum uerbis neque e scholiis qualia nunc legimus sunt deducta. Per multis quidem in locis quos in adnotatione mea notatos inuenies consentit ille cum commentariis ad Vergili carmina qui Serui nomine eduntur; nonnumquam etiam propius accedit ad Juni Philargyri siue Junili Flagri qui uocatur in Vergili bucolica et georgicorum libros commentarios¹⁾; denique est ubi cum Valeri Probi commentario ab Henrico Keil anno h. s. XLVIII edito conuenit: at non multo minor est eorum locorum numerus in quibus ab his quos nominauimus enarratoribus ita dissentit, ut modo ab eis quae illi tradunt diuersa, modo eadem atque illi sed accuratius et uberius explicata praebeat. Sic, ut pauca e multis afferam exempla, qui solus e Vergili carminum enarratoribus de Cinyphe flumine paullo accuratius disserit Valerius Probus ad Georg. III, 312 (p. 62 ed. Keil.) prorsus alia tradit atque ea quae legimus apud Vibium p. 4, 16 s. Minionem Etruriae fluuium commemorat Seruius ad Verg. Aen. X, 183, sed tacet de nominis origine cuius quamuis tenuem memoriam seruauit Vibius p. 7, 12. Simili modo quae de Aniene uel Anio Apollinis filio Anienis fluuii heroe quem uocant eponymo tradit Vibius p. 1, 22 frustra quaerimus apud Seruium qui de Aniene fluuiio uerba facit ad Verg. Aen. VII, 683. Idem ad eiusdem libri u. 682 de Praeneste oppido in montibus locato loquitur non indicato nomine montis, quem Arentinum dictum esse ex solo Vibio (p. 14, 14) discimus. Septem montium urbis Romae nomina a Vibio in indice montium posita (p. 14, 6; p. 15, 3; 21; p. 17, 7; 14; 18 et 23; p. 18, 5) alia sunt atque ea quae adfert Seruius ad Verg. Aen. VI, 783, sed prorsus fere conueniunt cum eis quae exhibet Varro de l. l. V, 41 ss., praeterquam quod pro Quirinali Quirinum, pro Viuinali Velinum quem cum Palatino coniungit Varro (§ 54) nominat, quod non consulto sed per errorem

¹⁾ Commentariorum Serui et Philargyri usus sum editione ea quae 'ex bibliotheca Petri Danielis I. C.' excusa est (Geneuae) apud Petrum et Jacobum Chouët anno M.DC.XXXVI. Pro Philargyrio autem quod plerumque scholia Bernensia appellare potui, Hermanni Hagen in uniuersitate litterarum Bernensi litteras antiquas docentis amicitiae debeo qui scholiorum illorum abs se longe accuratius quam olim a Carolo Guilelmo Müller factumst e codice descriptorum quantum iam typis Teubnerianis excusum erat per aliquot dies utendum mihi permisit.

quales multos in libello Vibianoprehendimus factum esse mihi persuasumst: iam cum haud probabile sit Vibium ipsius Varronis libris in indice suo corradendo usum esse, cum haec e commentario aliquo ad Verg. georg. II, 535 uel ad Aen. VI, 783 eis qui nobis seruati sunt et antiquiore et pleniore sumpsisse credo. Ex eodem commentario ducta esse conicio quae leguntur p. 3, 11 (cf. adn.); p. 4, 9 (cf. adn.); ib. 20 (cf. adn.); p. 5, 5 (cf. adn.); p. 8, 18 (cf. Verg. Aen. VIII, 727); p. 9, 5 s. (cf. Verg. Aen. III, 705); ib. 9 (cf. adn.); p. 13, 20 (cf. Verg. ecl. VI, 1; quamquam etiam de commentario ad Sil. Ital. Pun. XIV, 277 ss. cogitare licet); p. 14, 16 (cf. adn.); p. 15, 1 (cf. adn.); ib. 11 (ubi quin recte emendauerim Caenys neminem spero fore qui dubitet: cf. Verg. Aen. III, 411 ss. uel Sil. Ital. XIV, 76 ss.), alia. Cuiusnam fuerit ille commentarius omitto nunc quaerere, cum res altioris sit indaginis quaeque tum demum, cum uaria illa membra ex quibus scholiorum corpus Seruianum compactumst inter se distincta erunt nexuque suo exsoluta, ad certum fundamentum referri possit: interim de Donato cogitare licet quem Lucaniae adscripsisse lacum Ampsanctum simulque Caloris flui mentionem fecisse Seruius tradit ad Aen. VII, 563, quibuscum conferas quae leguntur apud Vibium p. 12, 1 et p. 4, 9.¹⁾

Quae de carminum Vergilianorum enarratoribus exposuimus eadem etiam in reliquorum poetarum carmina quibus Vibium usum esse diximus ualere facile apparet. Ex quibus Lucani de bello ciuili carminis qui in uariis codicibus exstant commentarii (u. editionis Weberianae tomum III qui prodiit a. h. s. XXXI) raro tantum, ut in magno nominum ex hoc carmine haustorum numero, propius accedunt ad ea quae Vibius praebet, ita ut hunc non Vaccae commentario cuius disiecta membra in codicibus nobis seruata esse uidentur (cf. Weber de interpretibus Lucani p. IV s.; H. Vsener De scholiis Horatianis commentatio p. XXX), sed antiquiore usum esse statuendum sit. Quo facilius ipsi lectores de hac re iudicare possint, praeter locos in annotatione mea positos scholia quaedam ex optimo codice Bernensi CCCLXX cuius primam notitiam Hermanno Vsener debemus (l. l.) ab Hermanno Hagen in usum meum descripta hic subiungam:

Ad Vib. p. 2, 14 cf. schol. Luc. I, 420: Saturis zeu||ma (sic cod.; fuit zeugma) mouet; est autem flumen Aquitaniae.

¹⁾ Donati qui dicitur de oppidorum, regionum, montium, fluminum etc. in Vergili Aeneide commemoratorum ratione librum (cf. Graefenhan, Geschichte der klassischen Philologie im Alterthum, Vol. IV, p. 316) ab hac quaestione prorsus remouendum esse censeo, quippe qui num umquam extiterit ualde sit ambiguum.

Ad p. 2, 16 cf. schol. Luc. II, 52: Albis fluuius Sueborum hoc est Germaniae prouinciae. Albis fluuius Galliae uel stitiae (Scythiae?) qui dirimit Suebos a Cheruscis (a cerucis cod.).

Ad p. 3, 2 cf. schol. Luc. VII, 756, ubi cum scholia uolgaria haec praebeant: 'Tagus et Arimaspus sunt fluuii in quibus abundat aurum', in codice Bernensi leguntur haec: « Arimaspus Scythiae (scitiae cod.) populus aput quos mirmices sunt quaedam animalia formicis similia quae terras eradunt et repertum aurum egerunt » (aegerunt cod.).

Ad p. 3, 6 cf. schol. Luc. VI, 370: nec tenuis uentos suspirat A. ab ipso nomine; nam Anaurus dictus quasi sine aura.

Ad p. 4, 14, p. 7, 13 et p. 8, 15 cf. schol. Luc. II, 406: Crustumium (cratumiū cod.) ex cuius nomine et ciuitas nuncupatur. Sapis qui regionem Ariminensium et Rauennatum finit qui nomen suum uicinae indidit ciuitati. Flumen etiam Sena a quo et oppidum dicitur. Aufidus (aut fidus cod.) uero fluuius extra Canusium impetu (impetum cod.) fertur ingenti quem longe (loge cod.) sonare dicit Horatius. Veloxque Metaurus: haec eiusdem regionis flumina sunt et quorundam ex his nominibus etiam (aetia cod.) urbes uocantur, ut Pisaurum et Ariminum (arminū cod.) et Sena. Crustumiumque rapax: fluuius. Senaque et Aufidus fluuii sunt (ut sena crotumiumque capax fluuius fluuiio. Senaque et aut fidus fluuii sunt cod.).

Ad p. 8, 7 cf. schol. ad Luc. VI, 382: pinguis Bebrycio d. u. s. Vbi Amycus tyrannus regnauit qui se Bebrycio ueniens a. d. g. f. p. (Verg. Aen. V, 373 s.).

At nihil in scholiis nostris inuenimus de Atace (p. 2, 13), de Aoo uel Aeante (p. 2, 17 et p. 3, 3), de Apidano (p. 3, 8), de Hapso (p. 6, 12), de Ilerda fluuiio (p. 6, 17), de Ligeri (p. 7, 5), aliis.

Ad Ouidi carmina qui solus praeter medi quod dicunt aevi commenta inani uerborum copia at solidae doctrinae inopia conspicua ¹⁾ superesse

¹⁾ Exemplum talis commenti praebet codex Rhenangiensis n. LXXXVI, membr. saeculi XIII, qui p. 1—8 exhibet commentarium in Ouidi remedia amoris, p. 9—40 commentarium in eiusdem poetae fastorum libros, cuius maior pars scripta est eadem manu quae commentarium ad remedia amoris exarauit, sed media pars (p. 17—28) manu saec. XV. Vterque commentarius ab eodem auctore compositus esse uidetur, christiano procul dubio, nam citatur 'salmista' (i. e. psalmista) et p. 16^a ima leguntur haec: 'Hominibus mutatis in deos mutabantur eorum nomina, ut qui prior Romulus (ro cod.), deinde diceretur Quirinus (qui cod.), Aeneas Indigetes, Ino Leucothea (leucotoe cod.) et sic cum ceteris, sicut etiam aliud nomen papa nunc assumit' (quod a. 955 a Ioanne XII primum factum esse constat). Idem codex deni-

uidetur commentarius — Lactanti Placidi quem uocant narrationes fabularum quae in P. Ouidi Nasonis libris XV Metamorphoseon occurrunt — is aliquotiens sane cum eis quae Vibius scripsit ita conuenit, ut hoc ipso libro Vibium usum esse dixeris. At si paullo accuratius in hanc rem inquisueris, omnes locos in quibus Lactanti illius si diis placet uerba ipsa cum Vibianis fere consentiunt, in libro XV commentari illius inueniri uidebis¹⁾ quem librum, cum in codicibus antiquis qui commentarium illum seruauerunt desideretur, non tam antiqui litteratoris opus quam centonem a Joanne Rainerio ex Regii maxime commentariis consutum esse docuit Thomas Muncker in praefatione tomo alteri Mythographorum Latinorum ab ipso editorum praemissa; ita ut eum qui hunc librum consarcinauit Vibi potius libello usum, Vibium autem et haec et alia ex antiquiore librorum Ouidi commentario hausisse statuendum sit. Denique cum de commentariis Sili Italici carmen illustrantibus a Vibio ad librum suum compilandum adhibitis iam supra dictum sit, restat ut eos locos indicemus quos unde hauserit Vibius reperire nobis nondum contigit. Sunt autem fluminum nomina haec: Alentus (p. 2, 5)²⁾; Asinius (ib. 6)³⁾; Alto (p. 3, 1, quocum comparari potest *Ἄλτος* uici prope Thessalonicam siti nomen teste Stephano Byzantio s. h. u.; nisi forte de corruptela graeci nominis quod est *Ἀρίλων* cogitandumst a Vibio ex auctore aliquo nobis ignoto repetita); Achelous alter (p. 3, 4 s.); Aternus (p. 3, 16); Barbanna (p. 4, 1); Bricates (p. 4, 3); Camicos (p. 4, 5: cf. Antig. hist. mir.

que p. 41 — 60 continet commentarium ad Horati artem poeticam et epistolarum librum priorem qui desinit in ep. I, 17, 31, ex quo commentario pauca quaedam exscripsit Orellius in excursu ad epist. I, 11 (p. 493 ed. II) et in nota ad art. poet. u. 146. --- Codicem membranaceum Christiani Rumpfi in quo nuda tantum commentaria ad Ouidi fastorum libros continebantur ex R. Merkei Prolegomenis (p. CCXCIII) noui.

¹⁾ Cf. adn. ad p. 3, 12; 14; 4, 18; 6, 20; 11, 4; 15; 12, 7; 9; 10; 13, 19.

²⁾ Quae de hoc flumine Lucaniam a Veliensibus diuidente tradit Vibius hauriri poterant e commentario aliquo ad Verg. Aen. VI, 366; cf. Seru. ad u. 359 eiusdem libri.

³⁾ Quod in adnotatione ad p. 2, 6 hunc fluuium eundem esse suspicatus sum qui *ὁ Ὀροβάλας* nominetur ab Appiano, eius facti nunc me poenitet monitum a Maximiliano Büdinger uiro amicissimo qui ut ueteri prouerbio quod amicorum communia omnia esse iubet obsequeretur plagularum quoque huiusce libelli a typothetae erroribus uindicandarum molestiae particeps esse uoluit. Graecum enim nomen esse id quod est *Ἀσίνης* siue *Ἀσίνιος* satis apparet ex nomine Asinari siue Assinari fluminis agri Syracusani (Thucyd. VII, 84; Diod. XIII, 19; Plut. Nic. 27) cui addi potest etiam Assori oppidi nomen (Cic. in Verr. act. sec. IV, 44, 96; al.). Origo autem horum nominum num repetenda sit ab eo quod est *ἄσιν* (cf. Etymol. M. p. 161, 44) an a uerbo quod est *ἄγνυμι* (cf. Etym. Gud. p. 4, 34), aliis diiudicandum relinquo.

c. 133 Westermann.; Steph. Byz. s. u. *Ἀρράγαντες*; idem esse uidetur Catinom apud cosmogr. Rauenn. V, 23 p. 405, 4 Pinder); Cydnos (p. 4, 11, fortasse e schol. ad Lucan. III, 225; nam de Dionysi orbis descr. u. 868 uel Rufi Festi Auieni descr. orbis terrae u. 1032 uel Prisciani perieg. u. 816 cogitandum non esse existumo); Cirta (p. 4, 12; idem est fluuius qui Arauris dicitur Plin. n. h. III, 4, 33 et Strab. IV, p. 182, Arausis Melae chorogr. II, 80, Thyrius Auien. or. mar. u. 593); Casilinum (p. 4, 13; cf. Agathiae histor. II, 4; Const. Porphyrog. de themat. II, p. 61 ed. Bekk.; adde titulum Orell. n. 6112 editum etiam a Theod. Mommsen in Diariis soc. litt. Saxon. a. 1850 p. 64); Drinus (p. 4, 21; cf. Plin. n. h. III, 26, 150; Ptol. geogr. II, 16, 7); Faneus (p. 5, 9); Herbesos (p. 6, 5; cf. adn. et Solin. pol. 5, 17 p. 56, 16 ed. Mommsen); Isamnus (p. 6, 16); Lycastus (p. 7, 6; cf. adn.); Lethaeus (p. 7, 7; cf. adn.); Mathis (p. 7, 15); Orethus (p. 8, 3; Panormi oppidi mentio fit apud Sil. Ital. XIV, 261); Pitonius (p. 8, 11; cf. adn.); Sequana (p. 9, 2; cf. adn., add. Ammian. Marc. XV, 11); Vluleus (p. 10, 15). Fontium nomina haec: Essus (p. 11, 7); Inessa (p. 11, 10; de Siciliae oppido Inessa cf. Diod. XI, 76; Strab. VI, p. 268 al.); Spandaeus (p. 11, 14; cf. adn.); lacus Aecicus (p. 11, 22; cf. adn.); montium Boreas (p. 14, 19; cf. adn.; de Bagora monte adde Th. Lucae Frid. Tafel de uia militari Romanorum Egnatia comment. p. 11); Cumerus (p. 15, 9; cf. adn.); Epidamnus (p. 15, 22; cf. adn. in qua excidit locus Strab. VII, p. 316)¹⁾; Maxteria (p. 16, 12; cf. adn.); Maesulus (p. 16, 13; cf. adn.); Oeniphile (p. 17, 2); Pylartes (p. 17, 12; cf. adn. in qua consulto omisi R. Vnger de Epiri monte cui *Πράκτις* uel *Πέλακος* nomen fuerit coniecturam in Philologi Vol. IV, p. 722 propositam); Rhamnusium (p. 17, 17; quod de hoc nomine ad Rhodopen montem referendo dixit R. Vnger l. l. p. 720 nullam probabilitatis speciem habere mihi uidetur); Sarnus (p. 17, 20; cf. adn. ad p. 9, 9 ex quo loco fortasse per errorem Sarni nomen hic est repetitum); Temtrus (p. 18, 4); gentium denique quarum nomina ad unum omnia ex unius Vergili carminibus eorumque commentatoribus petita esse uidentur haec: Magempuri (p. 19, 15; cf. adn.)²⁾; Pannoni (p. 19, 22); Philyridae (p. 19, 24); Sauromatae (p. 20, 3)³⁾.

¹⁾ Epidamneae rupes Licenti (carm. ad Augustin. u. 66) certo huc non pertinent.

²⁾ Quod ibi excusumst Magemburi typothetae errore a me praeteruiso factumst; in codice enim Vat. Magempuri exaratum neque aliud quicquam ex ullo alio codice enotatumst.

³⁾ Haud me fugit Pannoniorum et Sauromatarum nomina in aliorum poetarum praeter

Ex iis quae de fontibus libelli Vibiani disputauimus etiam tenebris illis quibus auctoris et aetas et patria sunt obuolutae aliquantum lucis illatum esse puto. Saeculo enim post Christum natum quarto uel sub quinti saeculi initia uixisse Vibium ueri admodum simile mihi uidetur; quibus temporibus et ipsum huius libelli conscribendi consilium et tota qua auctor in eo compilando uersatus est ratio et rerum geographicarum quae in eo describuntur condicio, cultus denique deorum gentilium etiamtum in Italia uigentis certa testimonia (cf. p. 2, 15; p. 4, 19; p. 7, 2; p. 11, 13; p. 12, 19) optime conueniunt. Nomina quae quarto p. Chr. n. saeculo recentiora esse constet, si audaces R. Vnger de nominibus quibusdam Byzantinis coniecturas (u. supra) missas feceris, in toto libello frustra quaeres; nam Haemimontum prouinciam cuius nomen certa, ut puto, coniectura restitui p. 16, 3, Constantini temporibus institutam esse docuit Ed. Böcking annot. ad notit. dign. Or. p. 134; nominis autem Casilini Voltorno fluuii inditi quod testem Agathia antiquiorem dare non possumus (u. supra), non impedit quominus duobus certe ante Agathiam saeculis hanc appellationem uolgo usurpatam esse statuamus, praesertim cum in titulo Capuano a nobis indicato omisso Voltorni nomine simpliciter flumen appellari uideamus (u. 5 s.: KAL. MAIS. LVSTRATIO AD FLVMEN CASILINO). Ad Godofredi Bernhardy qui etiam in nouissima Historiae litterarum Romanarum editione (p. 724 et 729) libellum Vibianum serioribus medi quod uocant aevi temporibus confictum esse narrat sententiam refutandam sufficiet id quod statim de codice Vaticano dicturus sum.

De patria Vibi uidetur aliquid diuinari posse ex eo quod ex nominibus illis quorum ei soli notitiam debemus haud pauca (ut. fluuiorum nomina Alto, Isamnus, Mathis, Vluleus, montium Epidamnus, Oeniphile, Pylartes, Rhamnusium, Temtrus) ad Epirum nouam quae tunc dicebatur, inprimis ad Dyr-rachi Apolloniaeque urbium agros pertinent; unde coniciat aliquis, eum hac in regione natum uel diutius ibi uersatum de suo haec nomina eis quae e poetarum carminibus collegerat addidisse. Non me fugiunt tamen quae huic coniecturae opponi possint: primum mirum uideri si homo illis locis ortus latinis potius quam graecis litteris operam dederit; deinde talia addita-menta cum eo consilio quo libellum suum se scripsisse in praefatione profitetur auctor prorsus non conuenire. Itaque cum statuere liceat Vibium usum esse

Vergilium carminibus uelut in Tristibus Ouidi passim commemorari. De Philyridis autem Venetiae gente quorum in locum Oberlinus audaci coniectura Philyras Ponti accolae substituit quid faciam nescio; aliquando de Iapydibus cogitaui (cf. Seru. ad. Verg. georg. III, 475), sed probe sentio hanc coniecturam certo fundamento carere.

commentario ad Lucani de bello ciuili carmen in qua Illyrici australis ora accuratius erat descripta quam ab ipso poeta aliisque auctoribus factumst, hanc de patria Vibi quaestionem aliis soluendam relinquo.

Inter codices in quibus Vibi libellus nobis seruatus est et aetate et auctoritate principem locum sibi uindicat cod. Vaticanus n. 4929 saeculo X in membranis formae quadratae scriptus de quo post alios accuratissime nuper disseruit Adolphus Michaelis in praefatione Pomponi Melae a Gustavo Parthey editi p. X s.¹⁾ Huius codicis folia 188—195 Vibi libellum continentia mense Maio anni h. s. LIII cum Romae uersarer quantum potui accuratissime contuli cum editione Iuntina Pomponi Melae, Solini etc. Florentiae anno MDXIX typis excusa in qua Vibius occupat folia 184—192. Ab hoc Vaticano codice diuersum non esse mihi persuasumst codicem Iacobi Revii cuius lectionis uarietatem a Nicolao Heinsio Danielis filio enotatam in editione sua publici iuris fecit Franciscus Hesselius. Hoc mihi persuasit primum quod Heinsius e Revii codice descripsit eandem illam de septem miris dissertatiunculam quam ego quoque e codice Vaticano (in cuius fol. 149^b atramento rubro et litteris quas dicunt uncialibus scripta extat) descriptam ad calcem libelli Vibiani edidi (p. 20, 9 ss.), deinde lectionum plurimarum ab Heinsio e codice Revii enotatarum cum eis quas ipse e codice Vaticano enotaui consensus; unde in iis locis in quibus alia rettulit Heinsius atque ipse repperi²⁾ hunc pro more illius aevi codicem festinantius inspexisse aut Hesselium lectionis uarietate

¹⁾ Hoc unum addam, Plauti Aululariam quae in hoc codice legitur (fol. 55—77) non esse ipsam Plauti fabulam hoc nomine inscriptam, sed Querolum quam ex hoc ipso, ni fallor, codice edidit Petrus Daniel Lutetiae Parisiorum anno MDLXIV quae editio repetitast ad calcem uoluminis secundi editionis fabularum Plautinarum Patauinae anni MDCCLXIV.

²⁾ Vt ipsi lectores iudicent, codicis Reviani scripturas quaecunque a mea codicis Vaticani collatione discrepant ex editione Oberliniana petitas hic apposui: p. 1, 23 ed. meae a Romanis; p. 2, 8 Anotos feos; p. 2, 17 decurrit; p. 4, 8 Asiae (pro atilae); p. 5, 16 in Epiro; p. 5, 22 diuidit (pro separat); p. 6, 12 Undeae (pro unde ac); ibid. Ionicum; p. 7, 7 Hermiona; p. 7, 10 desiderari dicitur (desideratur scilicet eo loco quo uolgo legitur post u. 13); p. 7, 17 Mechas; p. 7, 19 decurrit (pro fluit); p. 8, 7 Peneos; p. 8, 8 Garamenite; p. 8, 10 opprimeret; p. 9, 17 Thuria; p. 9, 19 Tibris (pro Thybris); p. 10, 4 Tapsus; p. 10, 6 Termus; p. 10, 8 quia et (pro et); p. 10, 18 Explicit de amnibus per litteras in ordinem digesti feliciter. Incipit de fontibus; p. 11, 1 Meveniae; p. 11, 7 Rhodo; p. 11, 10 Rhodo; p. 12, 18 de Nemoribus; p. 13, 3 deesse dicitur; p. 13, 20 Turaca; p. 14, 19 Beroas; p. 15, 6 Cyllenus; p. 16, 3 Hemine (pro Haemime); p. 16, 11 Monecus; p. 16, 17 Deonensium; p. 16, 20 Otheus (pro Ossa) et p. 17, 1 Ossa (pro Oetaeus); p. 17, 8 morati sunt; p. 17, 9 Thraciae in Italia; p. 18, 1 Samnitium; p. 18, 18 deesse dicitur; p. 19, 3 s. deesse dicuntur; p. 19, 11 Lelecarii.

ab illo enotata non satis scite usum esse suspicor; quamquam me ipsum erroris in codice illo conferendo prorsus immunem fuisse nequitiam iacto. Correctus est codex duabus manibus: altera manu prima non multo recentiore, altera saeculi XIV quae haud pauca a manu prima omissa addidit in hac mea editione uncis quadratis [] inclusa; quae cum omnia fere ad geographiam Galliarum pertineant (cf. p. 5, 8; p. 7, 5; 11; p. 8, 21; p. 9, 2), sponte nascitur suspicio, haec non ab ipso Vibio posita, sed ab interpolatore aliquo Gallo addita esse, quemadmodum etiam p. 9 u. 17 quem in codice Vaticano a manu saeculi XIV in rasura scriptum esse in adnotatione dixi a librario aliquo illius saeculi e codice aliquo Prisciani (VI p. 201) inferri potuit deletis iis quae ab ipso Vibio scripta fuerant.

Ex hoc codice iam correcto reliquos omnes ¹⁾ quorum haud exiguus esse uidetur numerus descriptos esse apparet, quippe qui praeter scribarum uel coniecturas uel hallucinationes nihil omnino quod ipsorum proprium sit contineant. Ne tamen leuitatis uel inertiae incuser ab eis hominibus qui codices manuscriptos numerare quam ponderare malunt, eorum quoque codicum uolgarium qui paulo accuratius conlati sunt — codicis bibliothecae Ambrosianae Mediolanensis, codicum duorum bibliothecae Parisiensis et codicis Hadriani Relandi — lectiones plurimas ex Ier. Iac. Oberlini editione quae prodiit Argentorati anno MDCCLXXVIII petitas adnotaui; quorum om-

¹⁾ Viginti codices enumerat Oberlinus p. X ss. quorum n. 19 (codicem Iacobi Revii) eundem esse uideri atque Vaticanum supra diximus; n. 16 uel 17 procul dubio est cod. Sangallensis bibl. monast. n. 663 saec. XVI descriptus in praefatione Itinerari Antonini Augusti a G. Parthey et M. Pinder editi p. XXIX s. Addi possunt duo codices Guelferbytani (n. 813 et 814) saec. XV de quibus cf. F. A. Ebert Bibliothecae Guelferbytanae codices graeci et latini classici p. 153. Codices Parisienses (n. 13 et 14 Oberl.) nuper mei gratia inspexit Ed. Woelfflin uir mihi amicissimus, dum paucos dies Parisiis commoratur, mihiq. narrauit codicem n. 8413 (olim n. 5997) esse chartaceum saec. XV, codicis autem n. 4808 (quem descripserunt etiam G. Parthey et M. Pinder in praefat. Itiner. Anton. p. XIII s.) folia 80—87 quaternionem singularem a reliquis prorsus diuersum efficientia continere finem libri noni librumque decimum Valerii Maximi (fol. 80^a incipit: *sima tribunatus potestate vallatum est. herophilus equarius medicus. Fol. 80^b col. 2: Valerii Maximi factorum et dictorum memorabilium liber nonus explicit. Incipit liber X de praenominibus etc.*), deinde fol. 82^a col. 2. Vibii Sequestri libellum eadem ratione qua in codice Vaticano inscriptum; singulis tamen columnis superscriptum esse: *liber decimus, in fine autem (fol. 87^a col. 2) subscriptionem duplicem hanc: Feliciter Vibii sequestri de fluminibus fontibus nemoribus lacubus paludibus montibus per litteras explicita sunt. Valerii maximi factorum et dictorum memorabilium liber explicit. Deo gratias Amen. Fol. 87^b denique uacuum esse.*

nium uel plurimorum certe consensionem littera ω indicaui. At bonae chartae parsurus non adnotaui uarias scripturas Ioannis Boccatii de Certaldo qui codice uolgaribus haud emendatiore usus totum hunc libellum, auctore non nominato, paucis omissis transtulit in eum librum quem ipse de montibus, syluis, fontibus, lacubus, fluminibus, stagnis seu paludibus, de nominibus maris scripsit ¹⁾).

Libelli Vibiani editione principe quam Romae nescio quo anno in lucem publicam emisisse dicitur Mazochius mihi non magis uti licuit quam Oberlino (cf. ed. eius p. XIII), neque umquam oculis usurpauī editionem Aldinam anni MDXIV; sed bibliotheca ciuium Turicensium mihi suppeditauit editionem Aldinam mense Octobri anni M. D. XVIII emissam de qua non recte dubitauit Oberlinus (l. l.)²⁾; quacum editio Iuntina anni MDXIX ita consentit, ut hanc ex illa expressam esse statuamus oporteat. Itaque Aldina potius quam Iuntina nominanda erat in adnot. ad p. 2, 13.

Denique de meae editionis ratione hoc monendi sunt lectores: ubicumque nihil adnotatumst, codicem Vaticanum (quem V littera signaui) ea ipsa uerba exhibere quae in textu quem uocant posui; asteriscum autem adnotationi praepositum indicare, codicum lectionem mea ipsius coniectura esse emendatam.

¹⁾ Vsus sum hac editione: Ioannis Bocatii *ΠΕΡΙ ΓΕΝΕΑΛΟΓΙΑΣ* Deorum libri XV cum annotationibus Iacobi Micylli. Basileae apud Ioan. Hervag. MD.XXXII, in qua liber de montibus etc. legitur p. 402—504.

²⁾ Continentur hac editione, ut frons libri indicat: Pomponius Mela. Iulius Solinus. Itinerarium Antonini Aug. Vibius Sequester (fol. 191—199). P. Victor de regionibus urbis Romae. Dionysius Afer de Situ orbis Prisciano Interprete.

VIBII SEQUESTERIS DE FLVMINIBVS FONTIBVS LACVBVS NEMO-
RIBVS PALVDIBVS MONTIBVS GENTIBVS PER LITTERAS.

Vibius Sequester Virgiliano filio salutem.

Quanto ingenio ac studio, fili carissime, apud plerosque poetas fluminum
mentio habitast, tanto labore sum secutus eorum et regiones et uocabula et 5
qualitates in litteram dirigens, quod ipsi tibi non inutile factum scio fore.
Fontium etiam et lacuum paludumque et montium nemorumque et gentium,
qua tamen persequi potui, sicut amnium huic libello in litteram digesta no-
mina subieci; quo lecto non minimum consequeris notitiae, praesertim cum
professioni tuae sit necessarium. Et ne pluribus epistola oneretur, incipie- 10
mus ab eo fluuio qui et litteram et nomen obtinet primum fluminum.

Achelous Aetoliae primus erupisse terram dicitur.

Arar Germaniae e Vogeso monte miscetur Rhodano; ita lene decurrit ut uix
intellegi possit decursus eius.

Amphrisus Thessaliae, ubi Apollo Admeti pecus fertur pautisse. 15

Alpheus Elidis qui per mare decurrens in Siciliam insulam Arethusae fonti
miscetur.

Ascanius Mysiae.

Achates Siciliae, ubi pari nomine lapillos edit unde gemmae fiunt.

Acheron inferorum. 20

Auens lacui Velinorum infunditur.

Anien per Tiburtinorum fines in Tiberim fluit; ab Aniense filio Apollinis.

Allia Salaria uia ad mil. XIII a Roma, ubi Galli uictoria sunt potiti de Romanis.

5. * habita sit Vw. — a qualitate (pro et q.) Vm. pr. — 6. factu V: corr. cod. Paris. II.
— 12. cf. Verg. Georg. I, 9 cum Serui nota. — 13. cf. Sil. Ital. Pun. III, 451 s. —
15. cf. Verg. Georg. III, 2. — 16. cf. Verg. Aen. III, 694 ss. — 18. cf. schol. Bernens.
ad Verg. Georg. III, 269. — 19. cf. Sil. It. Pun. XIV, 228. — ante id quod est edit ne
excidissee putes terra uel simile uocabulum cf. Solin. 5, 25 (p. 59, 1 ed. Mommsen.) —
21. Anien Vw: corr. Preller, Ber. d. sächs. Ges. d. Wiss. 1855 p. 191 ss. cf. Seru. ad
Verg. Aen. VII, 657; Plin. n. h. III, 12, 108 s. — lacus V et codd. Parr.; ex lacu cod.
Rel. — 22. Anien om. Vw: add. Preller l. c. — * uerba ab An. f. A. ante ea quae sunt
in Tib. fl. ponunt Vw. Ceterum pro eo quod est Aniense scribendum uidetur Anio:
cf. Seru. ad Verg. Aen. III, 79; Diod. Sic. V, 62; Plut. Parall. 40. — 23. cf.

- Araxes Armeniae Armeniam a Medis diuidit.
 Atesis Veronensium in Padum decurrit.
 Amasenus Priuernatium.
 Aufidus Apuliae proximus Canusio.
 5 Alentus Lucaniam a Veliensibus diuidit.
 Asinius (Catinae) in litore Tauromenitanorum defluit.
 Anapus Siciliae qui per duo milia passus sub terram mergens Syracusis
 miscetur mari, appellaturque Anapos καινός, superior Anapos παλαιός.
 Alabis Megarensium cuius fontem Daedalus dilatauit agrumque reddidit eam
 10 regionem quam idem fluuius deuastarat.
 Acis ex Aetna monte mari decurrit; ex huius ripis Polyphemus saxa in Ulixen
 iecisse dicitur.
 Atax Pyrenaeorum circa Narbonam decurrit in Tyrrhenum mare.
 Atur Tarbellae ciuitatis Aquitaniae in Oceanum fluit.
 15 Almon Romae, ubi mater deum VI Kalendas Apriles lauatur.
 Albis Germaniae Sueuos a Cheruscis diuidit.
 Aous Apolloniae in Ionium decurrens.

Verg. Aen. VII, 717. — 1. Arabiam Vω: conicias Albaniam, sed cf. Plin. n. h. VI, 13, 42; Plut. Ant. 49; Seru. ad Verg. Aen. VIII, 728. — 2. Athesis edd. ut est in titulo Orell. n. 4378 (cf. Seru. ad Verg. Aen. IX, 680); sed Ἀττηνός uocatur a Strab. IV. p. 207 et Ἀττωάν a Plut. Mar. c. 23. — 3. cf. Verg. Aen. VII, 685; XI, 547. — 4. cf. Seru. ad Verg. Aen. XI, 405. — 5. Alyntos Vω: intellegendum esse fluuium quem Haletem appellat Cic. ep. ad fam. VII, 20, 1 et ad Att. XVI, 7, 5 uidit Ob.: cf. schol. Theocr. id. V, 123. — 6. Asinium fluuium quem Asinem uocat Plinius n. h. III, 8, 88, Asignum cosmogr. Rauenn. p. 405, 12. ed. Pinder., eundem esse puto qui ὁ Ὀνοβάλας nominatur Appiano bell. ciu. V, 109. Id quod est Catinae superesse uidetur ex articulo aliquo de Amenano fluuiο: cf. Ouid. met. XV, 279. — 7. Ancus Vω. — 8. appellaturque ano post anopos caenos superior anatos faeos V (Anatos falos cod. Rel.: idem est Anaposalios cosmogr. Rauenn. p. 485, 6 Pinder.): corr. Reland. Fortasse tamen scribendum est Anapos κυάνεος (a fonte Cyane cuius aquas recipit Anapus) et Anapos φαιός. Cf. Ouid. met. V, 411 ss.; Sil. Ital. XIV, 515, al. — 9. Alaebyn (Alachin alii codd.) magarensium V, ut ambigamus utrum Vibius scripserit Alabis an Alabon: cf. Sil. Ital. Pun. XIV, 227; Diod. IV, 78; Steph. Byz. s. u. Ἀλαβών. — * reddidit et regionem dilatauit Vω. — 10. * diuastat Vω. — 12. egisse Vω: corr. Muncker ad Lactant. narr. fab. XIII, 8. cf. Ouid. met. XIII, 882 ss.; Sil. Ital. Pun. XIV, 221 ss. — 13. At. ax (r erasa) phytenorum circa bonam V: corr. ed. Iunt. (e Pyrenaeo aliae edd.) cf. Plin. n. h. III, 4, 32; Lucan. b. c. I, 403. — 14. Atyr Vω: corr. Ob. tarbeclae V: cf. Lucan. b. c. I, 420. — 15. cf. Ouid. fast. IV, 337 ss.; Ammian. Marc. XXIII, 3. — 16. Sueῖος V — ceruetiis Vω. cf. Lucan. b. c. II, 51 s. — 17. Aus Vω — in Meoniam decurrens Vω (cod. Rev. decurrit teste Heinsio). —

Alto Dyrrachiae decurrit in Illyricum.

Arimaspa gentis Scytharum, unde aurum Scythae legunt.

Aeas Macedoniae; decurrit in Ionium mare.

Achelous ex Pindo monte [per] Perrhebiarum fines in Maliacum mare decurrit, [alius atque ille] qui Aetoliam ab Acarnania diuidit. 5

Anaurus Thessaliae ita denominatus quod ex se neque auram neque nebulam emittat.

Apidanus Thessaliae in quo Enipeus, Melas, Phoenix miscentur; ipse in Peneon decurrit.

Asopos Thessaliae in Apidanon fluit. 10

Agragas Siciliae a quo et oppidum dicitur.

Aniger qui ex cruore Centaurorum quos Hercules interfecit odore suo aduenientes fugat cum fuerit dulcissimus.

Apud Cicones flumen est cuius liquor epotus praecordia uertit in silicem et rebus raptis marmora inducit. 15

Aternus Hadriae decurrens per Marsos, ubi et Ostia ciuitas.

B. Benacus Galliae ex quo nascitur Mantuanorum Mincius.

Baetis Hispaniae unde Baetica.

Bagrada Africae iuxta oppidum Musti, ubi Regulus serpentem longum pedibus centum uiginti exercitu adhibito interfecit. 20

1. Id quod est Dyrrachiae ne corrigendum putes cf. Steph. Byz. p. 244, 5 ed. Mein. — 2. *Arimaspa Vw: e Luc. b. c. III, 280 s. et VII, 755 Vibius effinxisse uidetur fluium auriferum Arimasporum anonymum. — 3. Aeras Vw, corr. Palmerius: auctor duplici nominis eiusdem fluuii forma (Ἀῤῥος et Ἀῤῥας) deceptus est: cf. Plin. n. h. III, 23, 145; Strab. VII, p. 316; Lucan. VI, 361. — 4. indo V — * per om. Vw. — 5. * uerba alius atque ille om. Vw. cf. Geographiam meam Gr. I, p. 84. — 6. cf. Lucan. VI, 369 s. — 8. Apidamnus V — emisacus Vw: corr. Reland., cf. Lucan. VI, 373 s. — 10. Epidamnion Vw: corr. Hessel., cf. Lucan. l. l. — 11. * gragas V, in quo totus hic uersus, in reliquis codd. prorsus omissus, a m. sec. lineolis subductis notatus est, adscripto supra: ~~o~~ uacat. cf. Aelian. u. h. II, 33, Steph. s. u. Ἀγκράγαντες; Sil. Ital. XIV, 210; Verg. Aen. III, 703. — 12. Antiger Vw: corr. Hessel. ex Ouid. met. XV, 281 ss. — 15. tactis ci. Hessel. ex Ouid. met. XV, 314 (actis cod. Paris. II). — marmoribus Vm. pr. — 16. ostia uitas V, Parr.: conicias cuius ad ostia [Aternum] ciuitas: sed cf. Itiner. Anton. p. 313, 6 Wessel.; Orelli Inscr. lat. sel. coll. n. 711; Mommsen I. R. N. n. 6256; adde Plin. n. h. III, 5, 44. — 17. cf. Verg. Aen. X, 204; Probus ad Verg. Georg. II, 160, p. 49 ed. Keil. — 18. cf. Lucan. II, 589; Sil. Ital. III, 405; Plin. n. h. III, 1, 7. — 19. cf. Sil. Ital. VI, 140 ss; 677 ss. Μούσση oppidum prope Bagradam fluium situm commemorat Ptolem. geogr. IV, 3, 33. —

Barbanna Illyrico praemiscetur.

Bactros Scythiae fines Hyrcanos alluit.

† Bricates ex Thymaro monte Arino miscetur.

C. Caystros per Hypaepam decurrit proximus paludi Asiae.

5 Camicos Siciliae ex quo urbs Camicos, diuidit Agragantinos.

Calos Moesiae.

Cocytos inferorum ex quo Styx palus.

Crinisos Siciliae ciuitatis Entellae.

Calor Beneuenti oppido iunctus.

10 Chrysas Syracusis ex monte Heraeo.

Cydnos per mediam urbem Tarson Ciliciae decurrit.

Cirta Massiliensium secundum Agatham urbem.

Casilinum Campaniae, a quo oppidum.

Crustumium, a quo oppidum, in Adriaticum mare decurrit.

15 Cephisos in Lilaea urbe Phocidos descendit et circa Euboeam flectitur.

Cinybs Africae in quo plurima genera gemmarum inueniuntur et camelis deportantur in oppidum Thybrestrum.

Crathis confinis Sybari capillos facit aurei coloris.

Clitumnus Vmbriae, ubi Iuppiter eodem nomine est.

20 **D.** Danubius qui et Hister, Germaniae in Pontum decurrit per VII ostia.

Drinus e palude Lychniti adluens Scodram oppidum Illyricorum.

1. Babenna V: cf. Liv. XLIV, 31. — 2. cf. Lucan. III, 267. — 3. In his uerbis grauiter corruptis quae plerique edd. ad Timaeum fluuium (cf. Verg. ecl. VIII, 6; Aen. I, 244) rettulerunt, fortasse latet nomen riuli, alicuius e Thymbro (siue Thymbride) Syracusarum monte (cf. Theocr. id. I, 118 et Schubring Bullettino 1864, p. 169 s.) in Anapum decurrentis. Tymauro monte cod. Mediol.; Timano fonte cod. Paris. II. (Boactes.... Macrae miscetur ci. Oberlin.) — 4. per hiperam Vw (Pepipam cod. Rel.) corr. Gronov. cf. Verg. Georg. I, 383. — 5. agringentinos Vm. sec. et Heracleenses add. Ob., sed cf. p. 9, 20. — 6. cf. Apollon Rhod. Argon. IV, 305 ss. Fortasse tamen scrib. Cales (cf. Arrian. peripl. Pont. Eux. 18; Ouid. ex Ponto IV, 10, 47) Mysiae ut Mysiam pro Bithynia appellauerit Vibius. — 8. cf. Seru. ad Verg. Aen. I, 550; Verg. Aen. V, 38. — atilae Vw. — 9. scrib. uidetur Sabato iunctus. Cf. Seru. ad Verg. Aen. VII, 563; Liu. XXIV, 14; XXV, 17. — 10. Chrysas Vw — Hereo Vw. Cf. Sil. Ital. XIV, 229. — 11. tharso V — 14. cf. Lucan. II, 406; Plin. n. h. III, 15, 115. — 15. in alinea urbe Vw: corr. Gronov. e codice Mediol. cf. Stat. Theb. VII, 348. — Eriboeam cod. Rel. — 16. * Arabiae Vw. — 17. fort. scr. Thubactin: Tubactis municipium commemoratur in tab. Peutling., cf. cosm. Rauenn. p. 140, 11 et p. 352, 1 ed. Pind.; Thibursicum, cuius nomen propius accedit ad codicum scripturam, a Cinyphe fluuiio nimis est remotum. — 18. Crathys V. cf. Ouid. met. XV, 315. — 19. cf. schol. Bern. ad Verg. Georg. II, 146. — 20. cf. Verg. Georg. III, 350. — 21. Drimus cod. Med. — lygnisti

- E. Enipeus e monte Othry Thessaliae.**
Euenus qui et Lycormas, per quem Nessus Centaurus Deianiram Herculis
traiecit.
Eufrates Parthiae.
Eridanus Galliae cisalpinae qui et Padus, ubi Heliades mutantur in populos. 5
Eurotas Laconices.
Erasinus † Lyciae.
[Esia Galliae in Sequanam fluit.]
F. Faneus qui et Siris, Metaponti.
Fabaris Sabinorum; is Faber corrupte dicitur. 10
G. Ganges in Oriente Indiam cingens latissimus quem Alexander post
Oceanum navigare timuit, qui solus aduersum Orientem fluit.
Galaesus Tarentinorum.
Gallus in Phrygia, unde qui bibit insanit more fanatico.
Gela Siciliae a quo oppidum. 15
Genusus Dyrrachium ab Apollonia diuidit; decurrit ex Epiro.
H. Hebrus Thraciae, proximus oppido Aeno.
Hermus Lydiae Pactolo confunditur.
Hiberus Hispaniae a quo Hiberia.
Hydaspes Indiae uel Mediae defluit Indo ex Caucaso. 20
Hypanis Scythiae qui, ut ait Gallus 'uno tellures diuidit amne duas': Asiam
enim ab Europa separat.

Vw. alluens Vm. 2. — 1. Enipeus V. cf. Verg. Georg. IV, 368. — 2. lycorum Esper qua Vw: corr. Reland. cf. Lucan, VI, 365 s.; Stat. Theb. IV, 838; Lactant. narr. fab. IX, 2. — 4. cf. Verg. Georg. I, 509 al. — 5. cf. Verg. Georg. IV, 372 c. Philarg. n.; Lucan. II, 409 ss. — 7. Erasenus V — Sithiae cod. Rel.; Lithri Paris. I., Lithie Paris. II: in promptu erat scribere Lyciae, sed haec regio ad Inachum fluuium, non ad Erasinum pertinet; itaque scrib. uidetur Arcadiae: cf. Lactant. narr. fab. XV, 6. — 8. om. V m. pr. Nomen deducendum uidetur ab Eso siue Heso Gallorum deo: cf. Lucan. I, 445 c. schol. et titul. Orell. n. 1993. — 9. * et qui siris beneuenti Vw. — 10. Scrib. uidetur Farfarus Sabinorum; is Fabaris corr. dic.: cf. Seru. ad Verg. Aen. VII, 715. — 11. laetissimus V. cf. Lucan. III, 230 s.; X, 33 ss. 13. cf. Verg. Georg. IV, 126. — 14. phrygia V. cf. Ouid. fast. IV, 363 ss. — 15. cf. Verg. Aen. III, 702; Sil. Ital. XIV, 218. — 16. Gelagensus Vw: corr. Hessel., cf. Lucan. V, 462 ss. — ab aquilonia Vw: corr. id. — 17. Haebus V. cf. Verg. Georg. IV, 524. — 18. cf. Lucan. III, 210; schol. Bern. ad Verg. Georg. II, 137. — 19. cf. Lucan. IV, 23; schol. Bern. ad Verg. Georg. III, 408. — 20. * indiae urbis mediae Vw: cf. Seru. et Philargyr. ad Verg. Georg. IV, 210. — et Caucaso Vw: corr. de Pauw. — 21. cf. Verg. Georg. IV, 370; Ouid. met. XV, 285.

- Halys Lydiae; Croesus transiit.
 Helorus Syracusarum a quo ciuitas.
 Himella Sabinorum prope Casperiam urbem.
 Hermus Lyciae.
- 5 Herbesos qui et Endrius, oppido Alorino decurrit per fines Helori.
 Himera oppido Thermitanorum dedit nomen Himerae. Hoc flumen in duas
 partes findi ait Stesichorus, unam in Tyrrhenum mare, aliam in Libycum
 decurrere.
 Hypsa secundum Inycon urbem Sicaniae decurrit gratam Herculi.
- 10 Hipparis quem et Hiccarin uocant, ex quo Camerinis aqua inducta est.
 Haemus Lyciae.
 Hapsus Taulantiae finibus Apolloniae decurrens in sinum Ionium.
- I. Indus Indiam definit ab occasu, a quo India dicta; hic [Caucaso] de-
 scendentem Hydaspem recipit.
- 15 Isara Galliae currit in Rhodanum.
 Isamnus Dyrrachi ab Idano castello dictus.
 Ilerda Hispaniae a quo Ilerda.
 Inachus Thessaliae.
- K. Kaycus Mysiae.
- 20 L. Lyncestius Thraciae cuius aquam bibentes ebrii fiunt.

1. chrusos transit V. Ceterum haec ita fere redintegrandae uidentur: Halys [Asiae quem rex] Lydiae Cr. tr. cf. Lucan. III, 272. — 2. Helurus V. cf. Verg. Aen. III, 698; Sil. Ital. XIV, 269. — 3. Himala V. cf. Verg. Aen. VII, 714. — 4. Hernus lysiae V: haec om. edd.: sed uidetur ipsius Vibi error subessenatus e Verg. Aen. VII, 721. — 5. pro eo quod est Endrius fort. leg. Erinus siue Erineus: cf. Ptol. geogr. III, 4, 8 — * alurina V: oppidum scilicet illud quod uolgo *Ἐλαρος* dicitur, etiam *Ἀλαρος* appellatum esse uidetur, quae duplex nominis forma fraudi fuit Vibio. Herbeson oppidum praeter alios commemorat Sil. Ital. XIV, 264. — 7. libicum V. cf. Sil. Ital. XIV, 232 ss. — 9. irecon urbem Hispaniae Vw: corr. Hessel. et Cluver. cf. Sil. Ital. XIV, 227. — 10. * hictarin Vw (cf. *Ἰππος* et *Ἰκκος*). cf. Sil. Ital. XIV, 230 et schol. Pind. Olymp. V, 20. — V. 11. om. edd.: fortasse male repetitus e u. 4. — 12. * Haesusa unde ac (ustide Med.; uti de Paris. I; et ide Par. II) finibus V: cf. Caes. b. ciu. III, 13; Lucan. V, 462. Hapsus legitur etiam in tab. Peutling. — 13. incham Vm. pr. — * Caucasos om. Vw: u. supra p. 5, u. 20. cf. Lucan. III, 236. — 15. cf. Lucan. I, 399. — 16. Isamnus Par. I; Icaninus cod. Rel. — 17. Ilerda V. Oppidum Ilerdam commemorant Lucan. I, 144; 261; alii. — 18. Errorem Vibi natum esse ex Ouid. met. I, 583 uidit Oberl.: cf. etiam Sil. Ital. XV, 278. — 19. Kaycus moesiae V. cf. Verg. Georg. IV, 370; Ouid. met. XV, 277 s. — 20. Lyncestius Vw: corr. Hessel. ex Ouid. met. XV, 329.

Lethe inferorum, quod obliui sit causa.

Liris non longe a Marsis Vestinisque cuius in ripa nymphae Maricae Minturnensis templum est.

Lycus Asiae unde Lycia.

[Liger Galliae diuidens Aquitanos et Celtas in Oceanum Britannicum euoluitur.] 5

Lycastus Cretae a quo Lycastus ciuitas.

Lethaeus insulae Cretae ita dictus quod Harmonia Veneris filia Cadmon oblita dicitur.

M. Mincius Galliae Cisalpinae proximus Mantuanis agitur ex Benaco.

Maeandros Cariae gentis Asiae; hic tam flexuosus est ut in sese recurat. 10

[Mosella Belgicae defluit in Rhenum.]

Minio Hetruriae a Minione.

Metaurus Vmbriae in sinum Hadriaticum decurrens.

Macra Liguria secundum Lunam urbem.

Mathis Dyrrachi non longe a Lisso. 15

Marsyas Frygiae urbis Celaenae.

Melas Thessaliae in Apidanum fluens.

N. Nilus Aegypti ex Aethiopia decurrens.

Nar Sabinorum ex Appennino in Tiberim decurrit per Narniam fluit.

Numicus in agro Laurenti. 20

Nifates Armeniae ex monte Nifate.

1. fort. scr. obliuiist: cf. p. 1, u. 5. cf. Verg. Aen. VI, 713; Lucan. III, 28; IX, 355, al. — 2. marinae Vw: corr. Boccacc. cf. Seru. ad Verg. Aen. VII, 47; Porfur. ad Hor. c. III, 17, 8; Lucan. II, 424. — 4. * unde lycis Vw. cf. Verg. Georg. IV, 367; Lactant. narr. fab. XV, 5. — V. 5. om. V m. pr., add. m. rec. saec. XIV quae scr. oceanum brittannicum. cf. Lucan. I, 439. — 6. coae Vw: corr. Gronov; quamquam Lycastum fluuium Cretae insulae ignoramus, nouimus Ponti cum oppido cognomini: cf. Anonym. per. Pont. Eux. 28; Plin. n. h. VI, 3, 9; Ouid. ex Ponto IV, 10, 53; Steph. Byz. s. u. Λύκαστος. — lycas Vw. — 7. Lethaeus V: cf. Strab. X, p. 478; Ptol. III, 17, 4; Solin. c. 11, 9 (p. 81, 21 Momms., ubi codd. Lenaeus). — 7. armonia V: m. 2 in marg. hermionia. — 9. cf. ad p. 3, 17. — 10. cf. Seru. ad Verg. Aen. V, 251; Ouid. met. VIII, 162 ss.; Sil. Ital. VII, 139 s. — V. 11. om. V m. pr., addidit m. 2 in margine — renum V. — 12. Minion etruriae V. cf. Verg. Aen. X, 183. — 13. adriaticum V. cf. Lucan. II, 405; Sil. Ital. VIII, 451. — 14. Megera Vw: corr. Bocc. cf. Lucan. II, 426. — 16. cellenae V. cf. Lucan. III, 207. — 17. Mecas V — epidamnum V. cf. Lucan. VI, 374. — 18. cf. Lucan. X, 285 ss. — 19. Verba Nar — decurrit in rasura, sed a m. pr. in fine folii scripta sunt in V. cf. Lucan. I, 475; Sil. Ital. VIII, 453 s. — 20. cf. Verg. Aen. VII, 150; Sil. Ital. VIII, 360. — 21. nifante Vm. pr. cf. Lucan. III, 245; Seru. ad Verg. Georg. III, 80.

O. Oaxes Cretae a quo et ciuitas Oaxis; Varro hoc docet: 'Geminis capiens tellurem Oaxida palmis.'

Orethus Panhormi Siciliae.

Orontes Syriae ex monte Casio.

5 **P.** Padus Galliae Cisalpiniae qui et Eridanus.

Permessos Boeotiae.

Peneus Thessaliae, ubi siluae quas Tempe uocant; hunc Bebryces possederunt.

Phasis in Colchide qui de monte Amaranto fluit.

Pantagias Siciliae ita dictus quod sonitus eius decurrentis per totam insulam

10 auditus est usque eo donec Ceres filiam quaerens conprimeret eum.

Pitonius qui per medium lacum Fucinum Marsorum ita decurrit ut aqua eius non misceatur stagno.

Pactolus Lydiae qui decurrens aurum trahit.

Phacelinus Siciliae iuxta Peloridem, confinis templo Dianae.

15 Pisaurus a quo ciuitas Pisauria, decurrit in Adriaticum mare.

Phoenix Thessaliae in Apidanum fluit.

Pachynos Siciliae, ubi Sextus Pompeius iuuenis interfectus est.

Q. B. Rhenus Germaniae Belgas a Germanis segregans.

Rubicon Galliae iuxta Ariminum, olim diuidens Galliam ab Italia.

20 Rutuba ex Appennino in Thybrin fluit.

[Rhodanus Galliae Lugdunum et Auenionem decurrens atque Arelaten, mari Tyrrheno miscetur.]

1. * oaxia Vm. — cupiens V m. pr. — 2. oaxia V. Varronis fragmentum plenius exhibet Seru. ad Verg. ecl. I, 66. — 4. cf. Lucan. III, 214. — 5. cf. ad p. 5, 5. — 6. cf. Verg. ecl. VI, 64. — 7. s. cf. Verg. Georg. IV, 317; Ouid. met. I, 568 ss.; Lucan. VI, 371 ss. Quae de Bebrycibus narrat Vibius, eo explicanda sunt quod in Lucani u. 382 in plurimis codd. et in scholiis legitur Bebrycio. — 8. garamante Vm: corr. Dausquius ex Apoll. Rhod. II, 401 c. schol. cf. Verg. Georg. IV, 367; Lucan. III, 271. — 9. Pantagras V: cf. Seru. ad Verg. Aen. III, 689. — 10. conprimeret Vm. 2. — 11. Pitornius Vm: corr. Hessel, cf. Plin. n. h. XXXI, 3, 24, 41. — 13. cf. Lucan. III, 209. — 14. Phaetelinus Vm: corr. Hessel. cf. Sil. Ital. XIV, 260; Probus ad Verg. buc. p. 4 ed. Keil. — 15. Idem esse uidetur fluuius qui Isaurus audit apud Lucan. II, 406: cf. Plin. n. h. III, 14, 113. — 16. Phocias V — epidanum V. cf. Lucan. VI, 374. — 17. Pachynos Vm: corr. Hessel. qui Vibi errorem ortum e Lucan. VII, 871 agnouit: cf. schol. ad h. u. — 18. belgas in ras. V: in marg. m. 2 sed antiqua haec adscript: rhenus medos a germanis separans. — 19. cf. Lucan. I, 214. Ea quae sunt galliam ab Italia om. V m. pr. addidit m. rec. saec. XIV: itaque fort. scrib. Galliam olim diuidens. cf. p. 9, 20. — 20. in Tyrrhenum ei Simmler., sed cf. Lucan. II, 421 s. — V. 21 s. om. V, solus ut uidetur. cf. Sil. Ital. III, 446 ss.

- S. Strymon Thraciae plurimo gelu strictus.
 [Sequana Galliae Lutetiam Parisiorum circumfluit et insulam facit.]
 Sperchios Thessaliae in Maliacum mare decurrens usque ad oram Locridis.
 Sybaris Lucaniae.
 Selinus † Messaliorum a quo ciuitas Selinus dicta, quod apium ibi plurimum 5
 nascitur.
 Sagaris Phrygiae ad castellum Berecynthium.
 Sebethos Neapoli in Campania.
 Sarnus Nuceriae, ex Sarone fluuio Hadriae, per Campaniam decurrens.
 Symaethos Siciliae uicinus Palicis. 10
 Siler in Lucania, oppido Alburno.
 Sicoris Hispaniae iuxta Ilerdam.
 Saron Hadriae.
 T. Tigris Parthiae qui sub terra means Rubro mari miscetur.
 Tauromenius inter Syracusas et Messanam a quo oppidum Tauromenium; 15
 quod oppidum Eusebon chora dicitur.
 Turia Hispaniae quod Valenciam paruo interuallo praeterfluit.
 Tanager Lucaniae.
 Thybris, idem Tiberis, idem Albula, qui ex radicibus montis Appennini ex
 Etruria Romam decurrit, quondam Tuscus diuidens. 20

1. cf. Verg. Georg. IV, 508. — V. 2 om. V m. pr. add. m. rec. saec. XIV. luteciam V — * uel V. cf. Caes. b. Gall. VII, 57. — 3. cf. Lucan. VI, 367. — 4. Sirapus Vetsic uel Syrapus ω: corr. Ob.; cf. Ouid. met. XV, 315. — 5. Scribendum uidetur Megarensium (cum Cluuerio) uel Megarorum: cf. Scymn. Ch. descr. orb. u. 292; Strab. VIII, p. 387. — * selinus V (ita etiam cosmogr. Rau. p. 403, 9 et Guido p. 496, 14 ed. Pind.) — 7. Nec corrigas Sangarus siue Sangarius cf. Plin. n. h. VI, 1, 4; Ouid. ex Ponto IV, 10, 47. Berecynthium castellum e Seru. ad Verg. Aen. VI, 783 adsciuisse uidetur Vibius. — 8. cf. Verg. Aen. VII, 734. — 9. cf. Seru. ad Verg. Aen. VII, 738; add. Eustath. ad Dionys. Perieg. 420. Hadriam pro mari Aegaeos iue Saronico nominasse uidetur Vibius. — 10. Symethos V. cf. Seru. ad Verg. Aen. IX, 584. — 11. monte Alb. ci. Cellar.: sed portum Alburnum commemorat Probus ad Verg. Georg. III, 146 p. 61 ed. Keil. Fortasse tamen legendum oppido Salerno: cf. Lucan. II, 425 s. — 12. Sinocoris Vm. pr. cf. Lucan. IV, 14. — 13. Sason ci. Relandus, haec e Sil. Ital. Punic. VII, 480 male intellecto ducta esse statuens: at uide quae ad u. 9 h. p. adnotauimus. — 14. meas Vm. pr. (m in ras.). cf. Lucan. III, 261. — 15. Taurominius V — Taurominium V — uerba quae sunt eusebon chora dicitur om. V m. pr. add. m. rec. saec. XIV. cf. Sil. Ital. XIV, 197. — V. 17 in rasura a m. saec. XIV scriptus est in V: cf. Sallust. hist. fr. II, 18 Dietsch. cuius uerba e commentario aliquo ad Sil. Ital. XIII, 5 hausisse uidetur Vibius. — 18. cf. Seru. ad Verg. Georg. III, 152. — 19. cf. Verg. Aen. VIII, 331 s.

Tanais Scythiae Asiam ab Europa diuidit.

Thermoodon Colchos et Amazonas diuidit.

Thrasymenos Lydiae.

Thapsus Africae iuxta Rusiccade.

5 Triocala qui et Isburos iuxta Albam Imacarensium.

† Thermus Vmbriae.

Taygeta Laconices, ubi filios suos moris habent durare frigore aquae.

Titareessos Thessaliae, qui et Orcus, in Peneum decidit nec ei miscetur, sed super eum funditur; quem Stygia palude crescere quidam adfirmant.

10 V. Vulturum Campaniae a quo oppidum iuxta Puteolos Vulturum.

Virbius † Laconices, ubi Hippolytum Aesculapius arte medicina reddidit uitae, unde et Virbius dictus.

Vfens Tarracinae proximus.

Varus, hic nunc Galliam ab Italia diuidit, ante Rubicon.

15 Vluleus Dyrrachii unde aqua his ducta.

X. Xanthus Troiae Ilio proximus.

Xanthus Lyciae unde et ciuitas.

FONTES.

Aganippe Boeotiae.

20 Acidalia in Orchomeno.

1. cf. Lucan. III, 273 ss.; Philargyr. ad Verg. Georg. IV, 517. — 2. cf. Verg. Aen. XI, 659. — 3. Tusciae ci. Oberl., sed subest ipsius Vibi error natus e Sil. Ital. Pun. IV, 740; V, 8 ss. — 4. ruggicade V. cf. Sil. Ital. III, 261. — 5. Triopala Vw: corr. Ob.; cf. Sil. Ital. Pun. XIV, 270; Diod. l. XXXVI, fr. 1 (t. IV, p. 162 ss. ed. Bekker); Cic. in Verr. act. sec. V, 4, 10. — assorus Vw: corr. Ob., cf. Ptol. III, 4, 6. — * albo magarensium V (Alabon Megarensium edd.): cf. Diod. XXXVI, fr. 1 (p. 160 Bekk.); Itiner. Anton. p. 88, 6 (ubi est Allaua, quod idem esse uidetur ac castellum *Ἐλαύια* cuius meminit Steph. Byz. s. u.); Plin. n. h. III, 8, 91; Cic. in Verr. act. sec. III, 18, 47; 42, 100; V, 7, 15. Videtur autem Imacara siue Imachara idem esse ac *Μάχαρα* quod antiquom Minoae nomen fuisse tradit Heraclid. de reb. publ. 29. — 6. Scrib. uidetur Tinias siue Teneas: cf. Sil. Ital. Pun. VIII, 454; Strab. V, p. 227; 235; Plin. n. h. III, 5, 53. — 7. cf. Probus ad Verg. Georg. II, 487, p. 53 ed. Keil. — 8. Ne corrigas Titaresios cf. Lucan. VI, 376 — paeneum V — * et super V Med. — 9. cf. Verg. Aen. VII, 728 s.; Lucan. II, 423. — 10. Scrib. uidetur lacu (siue luco) Ariciae: cf. Ouid. Fast. VI, 756; Verg. Aen. VII, 762 ss. cum Serui nota. — medicinae edd., sed cf. Muncker. ad Hygin. fab. 274 (p. 387 ed. van Staveren.). — 11. cf. Verg. Aen. VII, 802; Plin. n. h. III, 5, 59. — 12. cf. Lucan. I, 404. — 13. Vlulens V. — 14. cf. Verg. Aen. I, 473; III, 350 et saepius. — 15. cf. Verg. Aen. IV, 143. — 16. EXPLICIT AMNES PER LITTERAS IN ORDINEM DIGESTI FELICITER. INCIPIVNT FONTES V. — 17. cf. Seru. ad Verg. ecl. X, 12. — 18. cf. Seru. ad Verg. Aen. I, 720.

Clitumnus Mevaniae.

Clanius Acerrae in Campania qui cum creuerit pestem terrae meditatur.

Castalius Delphis.

Clitor Arcadiae qui potus uinum in odium adducit.

Camenarum Romae.

5

Dirceus Boeotiae.

Essus Rhodo.

Gargaphie Boeotiae, ubi Actaeon laceratus.

Hippocrene Boeotiae (in Arcadia).

Inessa Rhodi a quo Siciliae ciuitas Inessa.

10

Libethris Boeotiae.

Liriope, ubi Narcissus se conspexit.

Menais Leontinorum per quem timent iurare ciues eius loci.

Spandaeus in insula Co Asiae.

Salmacis Cariae ex quo qui bibit mollescit id est obscenus fit.

15

Timaeus Aquileiae Galliae.

† Viruinus Laconices.

LACVS.

Auernus [Campaniae] immensae altitudinis cuius ima pars apprehendi non potest.

20

Acheros qua ad inferos creditur iri.

Aecicus Apolloniae.

1. cf. Seru. ad Verg. Georg. II, 146. — 2. acerre V. cf. Seru. ad Verg. Georg. II, 225. — 3. cf. Probus ad Verg. Georg. III, 293, p. 62 Keil. — 4. cf. Lactant. narr. fab. XV, 21. — 5. cf. Ouid. fast. III, 273 ss.; Vitruu. de arch. VIII, 3, 1; Frontin. de aquis u. R. I, 4 (p. 3 ed Bücheler); Seru. ad Verg. ecl. VII, 21. — 6. cf. Ouid. met. II, 239. — 7. phodo Vω: fort. scr. Pholoes. — 8. Garga euboeae Vω: corr. Muncker: cf. Ouid. met. III, 155 ss. — acteon Vω. — 9. cf. Seru. ad Verg. ecl. VII, 21. Deinde fort. leg. uel Argolidos: cf. Paus. II, 21, 9. — 10. inossa altero loco V. — 11. Libetris V. cf. Seru. et schol. Bern. ad Verg. ecl. VII, 21. — 12. cf. Ouid. met. III, 342; 407 ss. — 13. cf. Sil. Ital. XIV, 266. — 14. Leg. uidetur Spondeus, quo nomine fortasse significatur Burinna fons de quo u. schol. Theocr. VII, 5. — coa V: corr. cod. Par. II. — 15. cf. Ouid. met. IV, 285 s.; XV, 319; Lactant. narr. fab. IV, 11; XV, 19. — 16. cf. ad p. 4, 3. — 17. Haec e p. 10 u. 11 male repetita esse uidentur. — 19. Campaniae om. V. cf. Lucan. II, 668; Seru. ad Verg. Georg. II, 161. — 21. Acheron edd.; sed u. Liu. VIII, 24. cf. Verg. Aen. VI, 295 ss. — 22. Fortasse scrib. Aquiloniae uel Apuliae: cf. Liu. XXIV, 20; Itiner. Anton.

- Ampsactus Lucaniae cuius halitus uolucres necat.
 Cyane Syracusis per quem Anapus transit.
 Cocytos inferorum transit per Styga paludem.
 Cimini Etruriae.
- 5 Feronia Tarracinae.
 Fucinus Marsis.
 Hammonis Africae qui ortu solis et occasu incandescit, reliquo tempore
 gelidus est.
 In Athamania lacus luna tenui ligna accendit.
- 10 [In Aethiopia lacus est] ex quo qui bibit aut in insaniam uertitur aut in soporem.
 Larius Galliae Cisalpinae.
 Lucrinus Campaniae.
 Lemannus Galliae.
 Mareotis Aegypti, unde uites Mareoticae.
- 15 Triuiuae lacus Ariciae.
 Velinus inter Nar et Auentem.
 Venacus Galliae, unde Mincius fluit.

NEMORA.

- Angitiaue uel Anguitiae † Lucaniae.
- 20 Clarium Colophoniae.
 Dodona Epiri.

p. 116, 1; Itin. Hieros. p. 610, 6 Wessel.; nisi de aestuariis inter Apolloniam
 et Aulona sitis cogitare mauis. — 1. Ampsanctus V. cf. Verg. Aen. VII,
 563 ss. — 2. anopes transit per styga paludem Vw, ultimis uerbis e uersu sequenti
 male huc translatis: corr. Hessel. cf. ad p. 2, 7. — 3. * uerba transit p. St.
 pal. hic om. Vw. cf. Verg. Georg. IV, 479 s. et saepius. — 4. Ciminus Oberl.;
 sed cf. Verg. Aen. VII, 697; Sil. Ital. VIII, 493. — 5. cf. Verg. Aen. VII, 800. —
 6. cf. Verg. Aen. VII, 759. — 7. cf. Ouid. met. XV, 309 s. et Lactant. narr. fab.
 XV, 15. — 8. Inathamana lacus lunae tenuia V (tenua Paris. I, tenuit Paris. II): correxi
 praeceuntibus Hesselio et Oberlino. cf. Ouid. met. XV, 311 s. et Lactant. narr.
 fab. XV, 16. — adccndit V m. pr. — 10. * Verba In Aethiopia lacus est om. Vw: cf.
 Ouid. met. XV, 320 s.; Lactant. narr. fab. XV, 20. — 11. cf. schol. Bern. ad
 Verg. Georg. II, 159. — 12. cf. Verg. Georg. II, 161. — 13. cf. Lucan. I, 396. —
 14. cf. Verg. Georg. II, 91. — 15. cf. Verg. Aen. VII, 516. — 16. abentem V Med.:
 cf. p. 1, 21; adde Verg. Aen. VII, 517. — 17. Uenaeus V m. pr. cf. p. 3, 17. —
 19. Scrib. uidetur Fucini uel Fucuntiae: cf. Verg. Aen. VII, 759; Preller, Ber. d.
 sächs. Ges. d. Wiss. 1855, p. 200 s. — 20. cf. Verg. Aen. III, 360. — 21. cf. Lucan.
 III, 441; Seru. ad Verg. Georg. I, 149.

Idalium in insula Cypro.

Molorchos in Nemea a Molorcho hospite Herculis.

Marica in Campania, ubi Marica nympa sepulta est.

Sila Bruttiorum.

Thymbra Frygiae ab herbae nomine quae latine cyane dicitur.

5

Tempe Thessaliae.

PALVDES.

Ambracia Acarnaniae.

Asia Asiae cui Caystros prope est.

Camerina nunc, ante Hyperie dicta, Syracusis.

10

Lerna Arcadiae, unde hydra centum capitum quam Hercules occidit.

Maeotis Scythiae.

Pomptinae Tarracinae Foro Appi.

Padusa Galliae a Pado dicta.

Styx inferorum a Styge Oceani filia.

15

Satura inter Antium et Circeos, eadem Stura.

Strymon Thraciae.

Salapina in Hadriatico.

Triton Thraciae in quo qui se nouies merserit in auem conuertitur.

Tyraco Syracusis.

20

1. cf. Seru. ad Verg. Aen. I, 681. — 2. cf. Verg. Georg. III, 19. — V. 3 in codd. Rev. Med. et Parisinis deesse dicitur: equidem e V nihil adnotavi. cf. p. 7, 2. — 4. cf. Seru. ad Verg. Georg. III, 219 et ad Aen. XII, 715. — 5. Tymbra V. cf. Verg. Aen. III, 85. — scrib. uidetur cunila: cf. Plin. n. h. XIX, 8, 50, 165. 6. cf. Ouid. met. I, 568 s. — 8. Achaiae V (sed a manu rec. in rasura) ω (Acharniae in codice aliquo se legisse testatur Vlitius ad Grat. cyneg. 184): corr. Simler. cf. Ptolem. III, 14, 6; Seru. ad Verg. Aen. V, 298. — 9. Verba Asiae — est a manu rec. in rasura scripta in V, magno spatio uacante. cf. Verg. Georg. I, 383. — 10. cf. Verg. Aen. III, 700 s.; Sil. Ital. XIV, 198; adde schol. ad Odyss. ζ, 4. — 11. cf. Verg. Aen. VI, 802; de latiore nominis quod est Arcadia usu u. R. Vnger Sinis p. 173 ss. — 12. Meotis V. cf. Verg. Georg. III, 349; Lucan. II, 641. — 13. Pomptinae ≠ (sic) V. cf. Lucan. III, 85. — 14. Paduae Vω. cf. Seru. ad Verg. Aen. XI, 457. — 15. cf. Philargyr. ad Verg. Georg. IV, 480. — 16. cf. Seru. ad Verg. Aen. VII, 801; Fest. p. 317 *, 33 ed Müller. — cerceos V. — V. 17. om. codd. praeter V (pro uersu 19 habet cod. Mediol.): lacum Strymonem (qui intellegendus est Πρασιὸς λίμνη) commemorant Mela chorogr. II, 30 et Seru. ad Verg. Georg. I, 120. — 18. Salpina Vω: corr. Hessel. e Lucan. V, 377. — 19. cf. Ouid. met. XV, 356 ss. et Lactant. narr. fab. XV, 26. — 20. * Tyraca Vω: cf. Steph. Byz. p. 593, 8 Mein.:

MONTES.

- Aracynthus in Attica; quidam in Acarnania dicunt.
 Arius in insula Chio, unde uinum Ariusium.
 Atlas in ultima Africa cingens Mauritaniā.
 5 Ascreus, unde uicus in Boeotia, unde Hesiodus.
 Auentinus Romae unus ex septem montibus.
 Alburnus Lucaniae.
 Alpes Galliam togatam a comata diuidunt.
 Aetna Siciliae flammam emittens.
 10 Agragas Siciliae iuxta Gelam.
 Athos Thraciae.
 Appenninus Italiae usque ad Anconem porrectus.
 Albanus in Latio.
 Arentinus in quo ciuitas Praeneste.
 15 Amanus Cappadociae.
 Aganippe Boeotiae, ante Enippe dictus.
 Berecynthus Phrygiae.
 Besbius Campaniae [flammae] flumen emittens.
 Boreas Dyrrachi.
 20 Cithaeron Thebis.
 Cynthus Deli.

quod Tyraco non Syracō appellauit hanc paludem Vibius, deceptus esse uidetur nomine oppidi quod est *Τυράνη* s. *Τυρανίαι*: cf. Steph. Byz. p. 642, 9 ss. — 2. Aracynthus V — quidam in Arcadia *Vα*: corr. de la Cerda; cf. Verg. ecl. II, 24; Plin. n. h. IV, 2, 6. — 3. cf. Verg. ecl. V, 71; Sil. Ital. VII, 210. — 4. Atlas V. cf. Sil. Ital. I, 202. — 5. Ascreus V. cf. Seru. ad Verg. ecl. VI, 70. — 7. cf. Seru. ad Verg. Georg. III, 147. — 8. cf. Lucan. II, 429. — 9. Aetna (sic) V. cf. Verg. Aen. III, 571; Sil. Ital. XIV, 58 ss. — 10. cf. Verg. Aen. III, 703. — 11. cf. Verg. Georg. I, 332; Aen. XII, 701. — 12. cf. Lucan. II, 396 ss. — 13. cf. Verg. Aen. XII, 134. — 15. capadociae V. cf. Lucan. III, 244. — 16. Montem Aganippen in Verg. ecl. X, 12 inuenire sibi uisus est Vibius. — fort. leg. Euippe uel Hippe. — 17. cf. Seru. ad Verg. Aen. IX, 82. — 18. Baebius V. Bebius ω quod frustra defendere conatus est Cluenerius exemplis e Procopio aliisque serioris aetatis scriptoribus repetitis: cf. Strab. I, p. 26; Appian. b. c. I, 116; Sil. Ital. Pun. VIII, 656; XVII, 594; al. — * flammae om.; cf. Grat. cyneg. 445. — 19. Scribitur Boras: cf. Liu. XLV, 29. Non recte, ut mihi uidetur, R. Vnger in Philol. IV p. 720 de Bagora seriore siluae Candauiae nomine cogitans conferri iubet Annae Comn. Alex. IV p. 122* et Wesseling. ad Itiner. Hieros. p. 608. — 20. cf. Seru. ad Verg. Aen. IV, 303. — 21. cf. Verg. Aen. I, 498. —

Caucasus Indiae Parthis et Hyrcanis iunctus.	
Cytorus in Ponto Paflagoniae buxo potens.	
Caelius Romae unus e septem montibus.	
Cybelus Phrygiae.	
Clarius Colophoniae a quo Apollo Clarius.	5
Cyllenius Arcadiae unde Mercurius [Cyllenius].	
Catillus Tiburti.	
Coras item Tiburti.	
Cumerus Piceno.	
Chimaera Lyciae.	10
Caenys Siciliae freto imminet.	
Ciminus Etruriae.	
Calpe Hispaniae.	
Corycos Ciliciae ubi optimum crocum nascitur.	
Castalia in Delphis.	15
Dictaeus Cretae.	
Dodona Chaoniae Epiri.	
Dindyma Phrygiae.	
Eryx Siciliae.	
Erymanthus Arcadiae.	20
Esquilinus Romae unus e septem montibus.	
Epidamnus Dyrrachii.	
Gargarus in Frygia, Idae montis cacumen.	
Gaurus Campaniae.	

1. cf. Verg. Aen. IV, 367. — 2. cf. Verg. Georg. II, 437. — 4. cf. Seru. ad Verg. Aen. III, 111. — 5. cf. p. 12, 20. — 6. Cyllenius altero loco om. V codd. Parisini. cf. Seru. ad Verg. Aen. IV, 252. — 7. cf. Seru. ad Verg. Aen. VII, 672. — 8. cf. Verg. l. l. — 9. * Cinyrus Vø: cf. Plin. n. h. III, 13, 111. — 10. Chimera V. cf. Seru. ad Verg. Aen. VI, 288. — 11. * Calpe Vø: cf. Strab. VI, p. 257; Plin. n. h. III, 5, 10, 73. — 12. cf. p. 12, 4. — 13. cf. Lucan. I, 555; IV, 71; Sil. Ital. V, 395. — 14. cf. Philargyr. ad Verg. Georg. IV, 127; Sallust. hist. fr. I, 80 Dietsch. — 15. * Castaliae Vø: cf. schol. Bernens. ad Verg. Georg. III, 293. — 16. cf. Verg. ecl. VI, 56. — 17. cf. p. 12, 21; adde Verg. ecl. IX, 13. — 18. cf. Verg. Aen. IX, 617 s. — 19. cf. Verg. Aen. V, 759; Lucan. II, 666. — 20. cf. Verg. Aen. VI, 802. — 22. * Eridanus Vø: scilicet cum peninsulae in qua sita erat urbs Epidamnus Dyrrachii nomen fuisse tradatur (cf. Steph. Byz. p. 244, 10 s.; p. 273, 3; Philo apud Constant. Porphyrog. de themat. II, p. 56 ed. Bekk.; schol. Lucan. VI, 14), haec duo nomina inter se commiscuit Vibius. — 23. cf. Seru. ad Verg. Georg. I, 103. — 24. cf. Lucan. II, 667.

- Helicon Aoniae Boeotiaeque Musis sacer.
Hyperborei Thraciae ultra plagam Aquiloniam.
Haemus Thraciae Haemimonti.
Imaus Hiberiae Ponticae.
5 Ismarus Thraciae insignis oleo et uino.
Ida in Troade; alius in Creta.
Lycaeus Arcadiae, ubi Pan praecipue colitur.
Maenalus Arcadiae in Tegeaea.
Massicus Campaniae in Falerno.
10 Marpeessos in insula Paro.
Monoecus Liguriae.
† Maxeria iuxta oppidum Auronae Hispaniae.
Maesulus qui et Vesulus in Campania.
Nifates Armeniae (in Perside).
15 Neritos Ithacae a quo et portus.
Nysa Indiae.
Nemeus Cleonensium.
Olympus Macedoniae altissimus qui altitudine sua super pluuias et nubes excedit.
20 Ossa Thessaliae.
Othrys Thessaliae.

1. * Boeotiaeque Vw. cf. Seru. ad Verg. ecl. VI, 64 et ad Georg. III, 11. — 2. cf. Seru. ad Verg. Aen. X, 350. — 3. sq. Haemus Thraciae. — Haemimedymnus Vw: correxi praeunte Relando; de Haemimonto prouincia cf. Ammian. Marc. XXVII, 4; Böcking annot. ad Notit. Dign. Or. pag. 134 et pag. 150. — 5. cf. Verg. Georg. II, 37. — 6. cf. Seru. ad Verg. Aen. IX, 80. — 7. cf. Verg. Georg. I, 16. — 8. * Tegaea Vw. cf. Verg. Georg. I, 17 s. — 9. in salerno V. cf. schol. Bern. ad Verg. Georg. II, 143. — 10. cf. Seru. ad Verg. Aen. VI, 471. — 11. Monoecus V illyriae Vw: corr. Gronov., cf. Seru. ad Verg. Aen. VI, 830; Lucan. I, 408. — 12. Fort. leg. Mons Asturiae i. opp. Asturicam H.: cf. Plin. n. h. III, 1, 6; 3, 28; XXXIV, 15, 149. An in eo quod est auronae latet aliquid quod ad auri copiam quam Asturia praestat (cf. Plin. n. h. XXXIII, 4, 78) referendum sit? (Maxera i. op. Mausoniae Hyrcaniae ci. Oberlin.) — 13. Confusa esse h. l. nomina Vesuli Liguriae et Vesuii Campaniae montium intellexit Hessel. — 14. cf. p. 7, 21. — 15. cf. Verg. Aen. III, 271. — 16. cf. Seru. ad Verg. Aen. VI, 805. — 17. cf. Verg. Aen. VIII, 295. — 18. cf. Lucan. II, 271. — 20. Ad u. 20 m. pr. in V in margine addidit: ubi hercules combustus est, quae ad p. 17 u. 1 pertinent. cf. Lucan. VI, 338. — V. 21 in V in margine a m. pr. scriptus, sic: † Othrys. thraciae (thraciae etiam w: corr. Hessel.) cf. Lucan. VI, 338. —

Oetaeus Thessaliae, ubi Hercules combustus est.	
Oeniphile Dyrrachii.	
Parnasos Phocidis duobus uerticibus surgens.	
Pindus Thessaliae.	
Parthenius Arcadiae.	5
Phanaeus Chii uino insignis.	
Palatinus Romae unus e septem montibus.	
Pelios Thessaliae in quo Lapithae morati.	
Pangaeus Thraciae (in Thessalia).	
Pholoe Thraciae ubi Centauri nati.	10
Pyrenaeus Galliam ab Hispania diuidit.	
Pylartes Dyrrachii.	
Petrae Dyrrachii, castra Pompei magni.	
Quirinus Romae unus e septem montibus.	
Rhodope Thraciae.	15
Riphaei Scythiae.	
Rhamnusium Scodrae.	
Saturnius Romae qui et Capitolinus, idem et Tarpeius.	
Soractis Faliscorum.	
Sarnus Nuceriae.	20
Sipylus Lydiae.	
Tmarus Molossiae.	
Tarpeius Romae unus e septem montibus.	
Taenarus Laconices.	
Tmolus Lydiae uino insignis.	25

1. Verba ubi H. c. est h. l. om. V: u. ad p. 16, 20. cf. Seru. ad Verg. ecl. VIII, 30. — 3. cf. Lucan. III, 172 s.; V, 71 ss.; Verg. ecl. X, 11. — 4. cf. Verg. l. l.; Lucan. VI, 339. — 5. cf. Seru. ad Verg. ecl. X, 57. — 6. Phaneus V: cf. Seru. ad Verg. Georg. II, 98. — 8. thraciae Vø: (Thraciae in Thessalia cod. Paris. I.) corr. Simmler. cf. schol. Bern. ad Verg. Georg. III, 115. — 9. Pangeus V. cf. Verg. Georg. IV, 462. Deinceps legendum uidetur uel Thessaliae: ortus error e Lucan. VII, 482. — 10. Ne corrigas Arcadiae cf. Lucan. III, 198; VI, 388; VII, 449; fort. scr. Thessaliae. — 11. cf. Sil. Ital. III, 415. — 12. Fortasse intellegendus est idem locus qui Pylon uocatur Strab. VII, p. 323. — 13. cf. Lucan. VI, 15. — 15. cf. Verg. Georg. IV, 461. — 16. id quod est scythiae in ras. V. cf. Verg. Georg. I, 240. — 17. Verba Rhamnusium. Scodrae (sic) in rasura scripta in V magno spatio uacante. — 18. cf. Verg. Aen. VIII, 347 ss. — 19. Soracte V m. 2. cf. Verg. Aen. VII, 696. — 22. Stesiarus Vø: corr. Vnger Philol. IV, p. 722; cf. Verg. ecl. VIII, 44. — 24. Tenarus V. cf. Verg. Georg. IV, 467. — 25. cf. Verg. Georg. II, 98. —

Taburnus Samnitum oliuifer.

Taygeta Laconices.

Tetrica Sabinorum.

† Temtrus Macedoniae proximus Apolloniae in conspectu Dyrrachii.

5 Velinus Romae unus e septem montibus.

Vesulus Apuliae.

GENTES.

Agathyrsi Scythae partis Europae.

Acarnanii Epirotae Europae.

10 Apuli Italici [partis Europae.

.....] partis Asiae.

Aethiopes Indi Asiae.

Aegyptii partis Asiae.

Barcaei Mauri Libyae.

15 Chalybes in Ponto [Asiae].

Cicones Thraciae Europae.

Dryopes Focenses Europae.

Daci Scythae Europae.

Gaetuli Afri Libyae.

20 Germani Europae.

Getae Thraces Europae.

1. cf. Verg. Georg. II, 37. — 2. cf. Verg. Georg. II, 487. — 3. cf. Verg. Aen. VII, 713. — 4. In uerbo aperte corrupto quod est Temtrus (Tenitrus edd.) latere uidetur nomen montis orientem uersus ab Apollonia siti quem nescio quo iure Tomarum appellauerit Kiepertus in tabul. geogr. Graeciae n. XV. De montium Cerauniorum nomine uerbo latino quod est Tonitrus reddito quominus cogitemus impedit accurata locorum descriptio. — conspectū V. — 6. Liguriaei. Hessel: sed fort. scr. Alpium uel Alpibus: cf. Plin. n. h. III, 16, 117; Verg. Aen. X, 708. — 8. fuit Scythiae in V, sed corr. m. pr.: Scythae etiam cod. Med. cf. Verg. Aen. IV, 146. — 9. cf. Seru. ad Verg. Aen. V, 298. — 10. sq. * Apuli Italici partis Asiae Vw. cf. Seru. ad Verg. Aen. VIII, 9. — V. 11 supplendum esse uidetur Arabes: cf. Verg. Georg. II, 115; Aen. VII, 605; VIII, 706. — 12. cf. Verg. Georg. II, 120; Seru. ad u. 116. — 13. cf. Verg. Georg. IV, 210. — 14. cf. Verg. Aen. IV, 43. — 15. Calybes V — ponto europae Vw: posterius uerbum in uersum sequentem trans tuli suppleto in hoc uersu nomine Asiae. cf. Verg. Georg. I, 58. — 16. id quod est Europae hic om. Vw: u. ad u. 15. Cf. Verg. Georg. IV, 520. — 17. cf. Seru. ad Verg. Aen. IV, 146. — 18. Daci V. cf. Verg. Georg. II, 497. — 19. cf. Verg. Aen. IV, 40 al. — 20. europae in ras. m. saec. XIV in V. cf. Verg. ecl. X, 63; al. — 21. thraces (sic) V. cf. Verg. Georg. III, 462; al. —

Geloni Thraciae picti corporis parte.	
Garamantes Mauri Libyae.	
Gangaridae Indiae.	
Hispani Europae.	
Indi Arabes Asiae.	5
Ityraei Syri usu sagittae periti.	
Kares Asiae.	
Lydi partis Asiae (in Aegypto).	
Lapithae Thessali Europae.	
Lycii Asiae.	10
Leleges Carii Europae.	
Lucani Italici Europae.	
Massyli Afri.	
Mauri Libyae proximi [Oceano].	
Magemburi Libyae.	15
Marsi Italici Europae.	
Medi Parthiae proximi.	
Morini Oceano iuncti Europae.	
Numidae Mauri Libyae.	
Osci Samnites Italici Europae.	20
Parrhasii Arcades Europae.	
Pannoni Illyrici Europae.	
Philyridae Europae in Venetia.	
Rutuli idem Dauni Italici Europae.	

1. thraciae (sic) V. cf. Verg. Georg. II, 115. — 2. cf. Verg. ecl. VIII, 44; al. — V. 3 et 4. in margine inferiore additi m. pr. in V. — 3. cf. Verg. Georg. III, 27. — 5. cf. Verg. Aen. VII, 605. — 6. cf. Verg. Georg. II, 448. — 7. cf. Verg. Aen. VIII, 725. — 8. Verba quae sunt in Aegypto aut delenda aut ita fere sunt corrigenda: inde Tusci; cf. Seru. ad Verg. Aen. II, 781. — 9. cf. Verg. Georg. III, 115. — 10. cf. Verg. Aen. I, 113. — 11. cf. Seru. ad Verg. Aen. VIII, 725. — 12. itali V Par. I: at u. p. 18, 10; p. 19, 16; 20, 24; p. 20, 5; 8. — 13. Massylli V. cf. Verg. Aen. VI, 60. — 14. *Oceano om. Vm: cf. Seru. ad Verg. Aen. IV, 206. — 15. Scrib. uidetur Macae (quorum saepius meminit Sil. Ital.) Empori: de Emporiis minoris Syrtis regione cf. Liu. XXXIV, 62 et saepius. — 16. cf. Verg. Georg. II, 167 et s. — 17. thraciae V et codd. Pariss. cf. Verg. Georg. II, 134; IV, 211. — 18. cf. Verg. Aen. VIII, 727. — 19. Numidi V m. pr. — libiae V m. pr. cf. Verg. Aen. IV, 41. — 20. cf. Verg. Aen. VII, 730. — 21. cf. Seru. ad Verg. Aen. XI, 31. — 24. cf. Seru. ad Verg. Aen. VIII, 146. —

- Seres Asiae sub oriente.
Sabaei Arabes.
Sauromatae Europae.
Teutones Galli Europae.
5 Tusci Italici Europae.
Thraces Thessali Europae.
Thessali Macedones Europae.
Vulsci Italici Europae.

SEPTEM MIRA.

- 10 I. Aedis Dianae Epheso quam constituit Amazon.
II. Mausoleum in Caria altum pedes CLXXX et in circuitu pedum CCCC:
ibi est sepulcrum regis lapide lychnite.
III. Colossus Rhodi altus pedes CV.
IIII. Iouis Olympi factus a Phidia ex ebore et auro pedum C.
15 V. Domus regia in Ecbatanis quam Memnon aedificauit lapidibus candidis
et uariis auro uinctis.
VI. Murus Babylonis latere cocto, sulphure et ferro uinctus, latus pedes
XXV [XXXII], altus pedes LXXV [L cubitos], in circuitu stadiis DCCC
[CCCLXVIII]. Hunc regina Semiramis aedificauit. [Pensiles etiam horti
20 super arcem ipsius urbis aequantes altitudinem muri pro miraculo
habentur.]
VII. Pyramides in Aegypto latae et altae pedes DC.

1. cf. Verg. Georg. II, 121. — 2. cf. Seru. ad Verg. Aen. I, 416. — 4. cf. Verg. Aen. VII, 741; schol. Bern. ad Georg. II, 169. — 5. cf. Verg. Aen. passim. — 6. cf. Seru. et schol. Bern. ad Verg. Georg. I, 490 ss.; adde Lucan. X, 449. — 7. V. ad u. 6. — 8. europae V. cf. Verg. Georg. II, 168 et s. X. Y. Z. FELICITER VIBII SEQUESTRI DE FLVMINIBVS. FONTIBVS. NEMORIB. LACVBVS. PALVDIBVS. MONTIB. GENTIB. PER LITT. EXPLICIT V. — 11. Mausolaeum V — ped V. — 13. ped V. — 14. ped V. — 17 ped V. — Vu. 18. ss.: numeri et uerba uncis inclusi m. pr. in margine adscripti in V. — ped V — cub V. — 19. orti V. — 22. ped V.

Iam litteris mandanda sunt quae de certaminibus eruditionis a commilitonibus nostris et initis et ineundis die XXVIII m. Aprilis huius anni in sacris anniuersariis Vniuersitatis nostrae rite concelebratis pro contione pronuntiavit Vir Summe Reuerendus qui nunc Vniuersitatem nostram regit:

Quaestionem ab Ordine Theologorum de fontibus et origine librorum Samuelis et Regum propositam qui tractaret inuentus est nemo.

Ordinis Philosophorum Sectio I quae postulauerat ut historiae imperatorum Romanorum inde a Neruae initiis usque ad Diocletianum pars aliqua certis finibus circumscripta ad annalium rationem accurate enarraretur, unam accepit dissertationem res ab imperatore Traiano gestas enarrantem cui haec Eutropi uerba inscripta erant: »Huius tantum memoriae delatum est ut usque ad nostram aetatem non aliter in senatu principibus acclametur nisi Felicior Augusto, melior Traiano.« Hanc praemio dignam iudicauit sectio hac sententia lata:

»Die Section findet die unter dem Motto: »Huius tantum memoriae delatum est« etc. eingereichte, die Regierungsepoche des Kaisers Traian behandelnde Arbeit den Bedingungen der Preisaufgabe entsprechend. Die litterarischen und monumentalen Quellen für den gewählten Gegenstand sind vollständig und gewissenhaft benutzt; Forschung und Urtheil des Verfassers sind gründlich und selbstständig; die Darstellung ist klar und übersichtlich geordnet, wenn sie auch hie und da eine gewisse Gelenkigkeit vermissen lässt. Die Section ertheilt demnach der Arbeit mit Befriedigung den ausgesetzten Hauptpreis.«

Schedula publice rescissa auctor huius dissertationis inuentus est

IOANNES DIERAVER, Berneccensis, philosophiae studiosus.

Ordinis Philosophorum Sectioni II quae de acidi ammoniaci salibus quaeri iusserat, una tradita est dissertatio uocabulo 'Ein Anfängerversuch' insignita, quam qui scripsit laudabili quidem studio ac diligentia at rerum

chemicarum scientia quaestioni illi soluendae impari in negotio a se suscepto versatus est; itaque praemium ei denegandum esse censuit sectio hac sententia lata:

»Auf die von der philosophischen Facultät II. Section für die Jahre 1865 und 1866 gestellte Preisaufgabe ist nur eine Bewerbungsschrift, unter dem Motto 'Ein Anfängerversuch', eingereicht worden. Nach der geforderten historischen Einleitung giebt dieselbe einen Bericht über Darstellung und analytische Untersuchung mehrerer aus dem sogenannten gummiartigen antimonsauren Kali abgeleiteter Salze und sucht auf Grund derselben die Ansicht wahrscheinlich zu machen, dass in ihnen die dreibasische Modification der Antimonsäure enthalten sei. Dieser Versuch ist indessen nicht gelungen, so dass nicht nur die Basicität der Antimonsäure des gummiartigen Kalisalzes auch ferner noch fraglich bleibt, sondern namentlich ihr Verhältniss zu den übrigen Modificationen durchaus keine Aufklärung findet, da die letzteren überhaupt nicht in den Kreis der Untersuchung gezogen wurden. Die Arbeit zeigt, dass der Verfasser noch nicht den nöthigen Grad chemischer Durchbildung besitzt, um eine nicht ganz leichte experimentelle Aufgabe selbständig durchführen zu können. So gern die Facultät auch den guten Willen und lobenswerthen Eifer des Verfassers anerkennt und so sehr sie der gründlich und mit Geschick durchgeführten historischen Einleitung ihren Beifall zollt, ist sie aus den angedeuteten Gründen doch nicht im Falle, der eingelieferten Arbeit einen Preis zuzuerkennen.«

Legi autem ut satis fieret, schedula obsignata publice flammis tradita est.

In annos MDCCCLXVII — VIII haec argumenta proponuntur:

I. Ab Ordine Theologorum:

»Es sollen die Katechismen der reformirten Kirche der deutschen Schweiz, so lange sie noch den Zwingli'schen Typus zeigen, bis auf die Zeit des überwiegenden Einflusses der Calvinischen Lehrweise einlässlich untersucht werden.«

II. Ab Ordinis Philosophorum Sectione I:

»Darstellung und Kritik der Aristotelischen und Schleiermacherischen Ethik, wobei namentlich gezeigt werden soll, ob sich ein Anknüpfungspunkt für den Individualismus Schleiermacher's in Aristoteles nachweisen lasse.

III. Ab Ordinis Philosophorum Sectione II:

» Eine Monographie einer Familie oder Gattung lebender oder fossiler Thiere. «

Habetis, carissimi commilitones, argumenta quibus pertractandis industriae uestrae atque eruditionis documenta exhibere simulque laudem et praemium consequi possitis. Hanc in rem qui operam contulerint eos rogamus ut scripta sua, addita obsignata schedula nomen scriptoris indicante dictoque eodem quo scriptum insignita, ante Kalendas Ianuarias anni MDCCCLXVIII Rectori Vniuersitatis nostrae Magnifico tradant.





Lv 25.7
De fluminibus fontibus lacubus nemo
Widener Library 007111372



3 2044 085 246 494